







## বিজ্ঞাপন ।




ভারতেশ্বরী মহারানী ভিক্টোরিয়ার রাজ্যকালের  
প্রকাশ বৎসর পূর্ণ হইতে চলিল, ইহা অপেক্ষা  
আনন্দের বিষয় আর কি হইতে পারে ! ইংলণ্ডের  
এমন কি পৃথিবীর যতি অল্প রাজার অদৃষ্টেই  
এরূপ সুদীর্ঘ কাল রাজত্বভোগ ঘটিয়াছে । এজন্য  
তাহার ভক্তিমান প্রজামাত্রেয়ই তদুপলক্ষে আনন্দ  
প্রকাশ করা উচিত । আমরা অতি দরিদ্র,  
আমাদের এমন অর্থবল নাই যে মনে যে আন-  
ন্দের পূর্ণ উচ্ছ্বাস উদ্ভূত হইতেছে, তাহা প্রকাশ  
করিয়া তৃপ্তিলাভ করি । ক্ষমতার মধ্যে যাহা হইতে  
পারে, তাহারই পরিচয়স্বরূপ মহারানীর পবিত্র  
জীবনচরিত যাহাতে বঙ্গের আবাল-বৃদ্ধ-বনিতার  
গোচর হইতে পারে, তাহারই জন্ত এই গ্রন্থখানি  
মুদ্রিত করিয়া জনসাধারণকে উপহার দিলাম ।

১০ নং জোড়াবাপান ষ্ট্রীট  
কলিকাতা ।

১৫ই জানুয়ারী ১৮৮৭ ।

শ্রী প্রসাদকুমার মুখোপাধ্যায়  
প্রকাশক ।

প্রকাশক—শ্রী প্রসাদ কুমার মুখোপাধ্যায়,  
১৩নং ছোড়াবাগান ষ্ট্রীট, কলিকাতা ।  
প্রিন্টার—শ্রী কেরমোহন মুখোপাধ্যায়,  
৫৬নং আমহাট ষ্ট্রীট, কলিকাতা ।



ভারতেশ্বরী

# ভিক্টোরিয়া ।

প্রথম পরিচ্ছেদ ।

জন্ম ।

প্রিয় পাঠক-পাঠিকাগণ । আমরা যে দয়াবতী ভারত-রাজ-  
রাজেশ্বরী মহারানী ভিক্টোরিয়ার রাজ্যে বাস করিতেছি, যাহার  
পরদুঃখ-কাতরতার আমরা দুর্দান্ত যবন রাজগণের অত্যাচার-  
ভর-বিস্কৃত হইয়া নিরুপদ্রবে স্ত্রী পুত্র কন্যা লইয়া সংসারযাত্রা  
নির্ভাহ করিতেছি, যিনি আমাদের অস্বাভাবিক হইতে  
উদ্ধার করিয়া দিবা জ্ঞানচক্রে প্রদান করিয়াছেন, আমাদের পূর্ব-  
পুরুষগণের অলৌকিক কীর্তিকলাপ দেখিয়া এবং তাঁহাদের  
পূর্বগৌরব স্মরণ করিয়া আমরা আপনারা আপনাদিগকে  
চিনিতে পারিয়াছি, যিনি আমাদের পরম-মঙ্গলাকাঙ্ক্ষী,  
যাহার অপকৃপাতি-শাসন-ওণে তিজাজীবী করিও ৩০ অতুল  
ঐশ্বর্যশালী রাজা, মহারাজ, খনি, মহাজন, বিচারালয়ে, রাজ-

পথে, সর্বত্র সমান, সেই ভদ্রাভদ্র ধনী দরিদ্রের একমাত্র আশ্রয় মহারাণী ভিক্টোরিয়া ১৮১৯ খৃষ্টাব্দের ২৪শে মে ইংলণ্ডের রাজধানী লণ্ডন নগরের কেমিংটন প্রাসাদে ভূমিষ্ঠা হইলেন ।

এই সময়ে তাঁহার পিতা কেন্টের ডিউক রাজকুমার এডওয়ার্ডের অবস্থা বড় ভাল ছিল না । ইংলণ্ডের প্রথিতনামা রাজা তৃতীয় জর্জের পুত্র হইয়াও তিনি জটিল ঋণজালে জড়িত এবং পিতা ও অগ্রজের অনুগ্রহে বঞ্চিত, তজ্জন্ত প্রভূত মনঃকষ্ট, দুঃতরাং নানাপ্রকারে তাঁহার সংসারস্থখের মহান্ অপচয় হইয়াছিল । তিনি বাল্যকালে বিদ্যাভ্যাস করিবার জন্ত উপযুক্ত অর্থ প্রাপ্ত হইলেন নাই, রাজকাৰ্য্যে নিযুক্ত হইয়া যখন জিত্তাণ্টারে অবস্থিতি করেন তখনও রাজকোষ হইতে সাহায্যে তাঁহার আবশ্যক ব্যয় নিৰ্ব্বাহ হয় এরূপ অর্থ দিবার ব্যবস্থা করা হয় নাই, যখন তিনি আমেরিকার কেনেডা প্রদেশে প্রেরিত হইলেন তত্রত্য কয়েকটা ভীষণ সমরক্ষেত্রে তিনি যেরূপ প্রভূত শৌর্য্য প্রকাশ করিয়া প্রকৃত বীরপুরুষের দ্বায় কার্য্য করিয়াছিলেন এবং তজ্জন্ত ইংলণ্ডের ও আয়ারলণ্ডের কমন্সসভা কর্তৃক ভূরি ভূরি প্রশংসা লাভ করিয়াছিলেন । তখন তাঁহার পিতাও অস্বীকার করিয়াছিলেন যে জিত্তাণ্টারের ঋণ পরিশোধ করিবার ব্যবস্থা করিবেন । কিন্তু দুর্ভাগ্যক্রমে তাহা প্রতিপালিত হয় নাই । তাহার পর তিনি ইংলণ্ডে প্রত্যাপ্ত হইয়া অনেক বার অনেক রকমে আপনার অবস্থার কথা জানাইয়া সাহায্যে তিনি ঋণভার হইতে অব্যাহতি লাভ করিতে পারেন এরূপ ব্যবস্থা করিবার জন্ত প্রার্থনা করিয়াছিলেন; কিন্তু কিছুতেই

কিছু হয় নাই। বারংবার চেষ্টা করিয়াও যখন তাঁহার মনো-  
 তীষ্ট পূর্ণ হইল না দেখিলেন তখন তিনি আপনার বার্ষিক বৃত্তি  
 ভিন্ন ঋণপরিশোধের অন্য উপায় নাই দেখিয়া আপনার ধরত  
 কমাইতে বাধ্য হইয়াছিলেন। এইরূপে এক বৎসর অতি-  
 বাহিত হইলে পূর্বাপেক্ষা তাঁহার দেনা কম হইতে লাগিল  
 বটে, কিন্তু রাজপুত্র বলিয়া পরিচয় দিয়া এরূপ কষ্টে ইংলণ্ডে  
 অবস্থিতি করা তাঁহার পক্ষে অসম্ভব হইয়া উঠিল। একান্ত তিনি  
 জন্মভূমি পরিত্যাগ করিয়া ব্রসেল্‌স নগরে অবস্থিতি করিতে  
 লাগিলেন।

এই স্থানে থাকিবার কালেই তিনি আমাদিগের ঋণজন্মা  
 মহারাণীর মাতাকে বিবাহ করেন এবং সাক্সিকোবর্গ-প্রদেশের  
 "অমরবচ" গ্রামাদে অবস্থিতি করেন। এই স্থানে থাকিতেই  
 থাকিতেই মহারাণীর মাতা গর্ভধারণ করেন। অগ্রজগণের  
 নিরপত্যতা হেতু মহারাণীর পিতা ডিউক মহাশয় ঐকান্তিকী  
 কামনা করিতেন যে তাঁহারই অপত্য ভবিষ্যতে ব্রিটেন-রাজ্যের  
 সিংহাসন অধিকার করিবেন। পবিত্রমনা ডিউক মহাশয়ের  
 সেই কামনা ঐশ্বর কলবতী করিয়াছিলেন।

ইংলণ্ডের রাজপরিবারमध्ये রীতি এই যে, রাজবংশসমূহ  
 হইলেই যে সিংহাসনে বসিবার অধিকার পাইবেন এমন নহে,  
 রাজবংশসমূহ এবং ইংলণ্ড-দেশ-সমূহ হওয়া চাই। একান্ত  
 মহারাণীর পিতা তাঁহার সহধর্ম্মীকে এই সময়ে জন্মণি  
 হইতে ইংলণ্ডে আনিবার জন্য চেষ্টা করিতে লাগিলেন, কিন্তু  
 সে চেষ্টা সহজে সফল হইল না। তিনি সস্ত্রীক জন্মভূমিতে  
 বাইবার জন্য পাথের চাহিয়া পাঠাইলেন। হার দুর্ভট!



তাহার এমন সম্বল ছিল না যে উদ্ধারা বেচ্ছামত স্বদেশে গমন করিতে পারেন। অগত্যা তাঁহাকে ইংলণ্ডের রাজধরবারের সাহায্যপ্রার্থী হইতে হইল; কিন্তু প্রার্থনা করিয়াও তাহা পূর্ণ হইল না। এই সময়ে তাহার পিতার শারীরিক অস্বাস্থ্য নিবন্ধন তদীয় জ্যেষ্ঠাশ্রম সুবরাজ চতুর্থ জর্জ ইংলণ্ডের শাসনদণ্ড পরিচালিত করিতেছিলেন। অগ্রজের সাহায্য করা দূরে থাকুক বরং তিনি বিলক্ষণ বিরুদ্ধাচরণ করিয়াছিলেন। বাহা ইউক, মৌভাগ্যের বিষয় যে, রাজপুত্র এডওয়ার্ডের কতকগুলি বিশ্বস্ত এবং অনুগত বন্ধু ইংলণ্ড হইতে তাহার পাথের প্রেরণ করেন। তাহাতেই তিনি আপন মনোরথ সকল করিবার পথ পাইয়াছিলেন। ঈশ্বর সুপ্রসন্ন থাকিলে মনুষ্যে হাজার শক্তি করিলে কিছুতেই কিছু করিতে পারে না। মহারানীর পিতা বঙ্গগণের সাহায্যে নিরাপদে ইংলণ্ডে পৌঁছিয়া মঙ্গল লণ্ডন-নগরের কেন্সিংটন প্রাসাদে অবস্থিতি করিতে থাকেন।

১৮১১ খৃষ্টাব্দের ২৯শে জুন ইংলণ্ডীয়-প্রধানমন্ত্রীর মহারানীর জনক জননী কেন্সিংটন প্রাসাদের উপাসনামন্দিরে আপনাদিগের কস্তার কল্যাণ-কামনায় ঈশ্বরোপাসনা করেন। সেই উপাসনাকার্য্যে সলিসবরীর ধর্ম্মযাজক পৌরোহিত্য করিয়াছিলেন। মহারানীর জন্মের পর তাহার পিতা আর ইংলণ্ড ছাড়িয়া অস্ত্রস্থানে বাইতে ইচ্ছা করিলেন না, কিন্তু ঋণজাল হইতে অব্যাহতি লাভ করিতে না পারিলেও ভাল দেখায় না, এই জন্য তিনি আপনার সমস্ত সম্পত্তি বিক্রয় করিতে কৃতসঙ্কল্প হইয়া কমন্সসভার অনুমতি প্রার্থনা করিলেন; কিন্তু নিষ্ঠুর সভা তাহাতে সন্মতি দিল না। অনেক বাহানুবাদ, অনেক আপত্তি

উত্থাপিত করা হইল, কিছুই কাজে আসিল না। তাঁহার প্রতি  
একপ ব্যবহার করায় যে কেবল অস্তায় হইয়াছিল একথা  
কে না স্বীকার করিবে ?

এই সময়ে মহারাণীর জননী “ডচেশ কেণ্ট” মহোদয়  
নীতলতর প্রদেশে বাস করা সুস্থিযুক্ত বলিয়া বিবেচিত হয়,  
একত্র “ডিউক কেণ্ট” মহাশয় তাঁহাকে ও কন্যাকে লইয়া  
ভিভনসায়র প্রদেশের সিডমাউথ নামক স্থানে যাত্রা করে  
তথায় পহুঁছিয়া তাঁহারা “উলফ্রক” কুটীরে অবস্থিতি করি  
লাগিলেন।

যখন তাঁহারা ক্যান্সিংটন প্রাসাদে অবস্থিতি করেন, তখন  
মহারাণীর পিতা কন্যাকে আশীর্বাদ করিবার জন্য তাঁহার কোন  
আত্মীয়কে বলিয়া পাঠান। তিনি আসিয়া আনাদিগের মহা-  
রানীকে এই বলিয়া আশীর্বাদ করেন যে, “রাজকুমারী ঐশ্বরের  
অনুগ্রহে সুস্থ থাকিয়া দিনে দিনে পরিবর্দ্ধিত হইবেন।” এই  
কথায় ডিউক মহাশয় আবেগপূর্ণ স্বরে বলিয়াছিলেন যে,  
“তুমি উহাই প্রার্থনা করিবেন না, আমার কন্যা প্রভূত-প্রতিভা-  
শালিনী হইয়া আমার জায় বিপদমন্ডলা না হয়; ঐশ্বরের  
নিকট আরও প্রার্থনা করুন, যেন তাঁহার আশীর্বাদ নিশ্চল-  
ভাবে আমার কন্যার উপরি থাকিয়া ছায়ার জায় তাহাকে সকল  
আপদ বিপদে আশ্রয় দান করে এবং ভবিষ্যতের প্রত্যেক  
দিন, প্রত্যেক মুহূর্ত্ত ঐশ্বর দ্বারা পরিরক্ষিত ও পরিচালিত  
হয়।”

এই নিখিল ব্রহ্মাণ্ডের সর্বোত্তম পিতা করুণাময় পরমেশ্বর  
কি তাঁহার এই ঐকান্তিকী প্রার্থনার বধির হইয়াছিলেন ?

ধর্মাত্মা ডিউক মহোদয়ের প্রার্থনা কি ব্যর্থ হইয়াছিল ? না,—  
 ধার্মিক পিতা মাতা কখন ঐশ্বরানুগ্রহে বঞ্চিত হইবেন না । ঐশ্বর  
 যেন মহারাণীর পিতার এই সকল বিনয়বাক্য অনুগ্রহের  
 সহিত শ্রবণ করিয়াছিলেন । ১৯ ডুমি কেণ্টের ডিউক মহামতি  
 এডওয়ার্ড ! সার্থক তোমার প্রার্থনা !! ১৯ তোমার মনুষ্য-  
 জন্ম !!! ১৯ তোমার ঐশ্বরে ও ধর্মে বিশ্বাস !!!! তোমার  
 কন্যা এবং তৃতীয় জর্জের কুলগৌরব-রূপা পৌত্রীকে আজি  
 ঐশ্বর ভূমণ্ডলের তৃতীয়াংশের অধীশ্বরী করিয়াছেন । তাঁহার  
 ভূয়সী কীর্তি, ঐশ্বর্যব্যাপী যশঃসৌরভ, প্রদীপ্তিময়ী প্রতিভা,  
 প্রবল পরাক্রম, অপ্রতিহত প্রভাব, অতুল ঐশ্বর্য্য, বিষয় বিত্তব  
 এবং সুখসৌভাগ্য অনন্ত-বারিধি-পরিবেষ্টিতা পৃথিবীর একপ্রান্ত  
 হইতে অপর প্রান্ত পর্য্যন্ত সকল দেশের অধিপতিগণের স্পৃহণীয়  
 করিয়াছেন । বলা বাহুল্য যে, ডিউক মহোদয় দারুণ অর্থ-  
 কষ্ট তা নিবন্ধন মনঃকষ্টে কালযাপন করিলেও বস্ত্রারহস্যভে  
 সে দুঃখ বিস্মৃত হইয়াছিলেন ।

১৮১৯ খৃষ্টাব্দের ২৪ শে ডিসেম্বর দিবসে মহারাণীর নান-  
 করণ হয় । “আলেক্সেণ্ড্রিয়া ভিক্টোরিয়া” এই ঘটনার পাঁচ  
 দিন পরে কোন হুঃশীল বালক মৃগয়া করিবার জন্ত মহারাণীর  
 পিছের বাসভবনের মিকট বন্দুকে গুলি নিক্ষেপ করে । তৎ-  
 কালে মহারাণী দাত্ত্রীক্রোড়ে অবস্থিতি করিতেছিলেন । বন্দুক-  
 নিক্ষেপ গুলি ঘরের জানালা ভেদ করিয়া তাঁহার মস্তকের  
 নিকট দিয়া যায় । তৎক্ষণাৎ সেই বালক দৃত হইয়া মহারাণীর  
 পিতার নিকট আনীত হইল । বালক আপনার অপরাধ স্বীকার  
 করিয়া ক্ষমা চাহিল এবং একরূপ বিপদজনক বিহার হইতে তবি-

যাতে প্রতিনিবৃত্ত থাকিতে প্রতিজ্ঞা করিলে রাজপুত্র তাহাকে অব্যাহতি দিলেন ।

কি কুম্ভধেই ১৮২০ খৃষ্টাব্দ উপস্থিত হইল । এই দুবৎসর আসিবামাত্র মহারাজার পিতা পীড়িত হইলেন । পীড়া ক্রমশঃ বৃদ্ধি হইতে লাগিল । চিকিৎসকদিগের চিকিৎসা-কৌশল সমস্তই ব্যর্থ হইল । বৃহস্পতিবার দিন বৈকালে ভ্রমণান্তে বাটীতে আসিলে তাঁহার পীড়ার সকার হয় । বাহির হইতে বেড়াইয়া আসিয়া অপত্যপ্নেহমুগ্ধ ডিউক মহোদয় সে দিন অনেক ক্ষণ পর্যন্ত কস্তার নিকট বসিয়া তাঁহার হস্তপদাদি সকাশন ও মুহুমধুর হস্ত দেখিতে দেখিতে অপার আনন্দ ভোগ করেন । সন্ধ্যাকালে তাঁহার সর্দি হয় । ডাক্তার আসিয়া ঔষধ ব্যবস্থা করেন ; কিন্তু তিনি মনে করিলেন রাত্রিকালে শুনিয়া হইলেই সারিয়া যাইবে ; এই মনে করিয়া ঔষধ খাইলেন না । পরদিন প্রাতেই জ্বর দেখা দিল । জ্বর ক্রমশঃ বাড়িতে লাগিল । তখন লণ্ডন হইতে রাজচিকিৎসক ডাক্তার “মেটনকে” আনিতে পাঠান হইল । কিন্তু তিনি উপস্থিত সময়ে আসিয়া পৌঁছিতে পারিলেন না । রোগ কোন প্রতিকারই মানিল না । তাঁহার প্রিয়তমা সহস্রদ্বিগী পীড়ার আরম্ভাবধি যার পর নাই উদ্বেগাকুলিত চিত্তে স্বামীর শয্যাপার্শ্বে উপবিষ্টা থাকিয়া দয়ং তাঁহাকে ঔষধাদি সেবন করান ; এক মুহূর্তের জন্য শয্যা পরিত্যাগ না করিয়া প্রাণপণে তাঁহার সেবা শুশ্রূষা করেন । পাঁচ দিন কাল কোথায় দিয়া কিরূপে কাটিয়া গিয়াছিল তাহা তাঁহার জ্ঞান ছিল না । ঐক্যদিন আহ্বারদির কথা দূরে থাকুক, বস্ত্র পরিবর্তন করাও ঘটে নাই ।

কিন্তু নির্দয় কাল কি মুমূর্ষু আত্মীয়জনের কাতরভাষ বা হৃৎখে হৃৎখবোধ করে? রাজপুত্রের শ্রালক কুমার লিওপোল্ড, পরম বন্ধু জেনারেল উইথারেল, মিঃ মুর, কাণ্ডেন কনরর সকলেই উপস্থিত। সকলেই তাঁহার জন্ত প্রাণপণ করিলেন; হৃর্ভাগ্যের বিষয় সকলই বিকল হইল। ২০ শে জানুয়ারী রবিবার প্রাতঃ-কালে রাজকুমার এডওয়ার্ড আত্মীয় স্বজনকে গভীর হৃৎখ-মাগরে নিশ্বেশ করিয়া ইহলোক হইতে প্রস্থান করিলেন। মৃত্যুকালে তাঁহার বয়ঃক্রম ত্রিপঞ্চাশৎ বৎসর হইয়াছিল।

ডিউক কেণ্ট মহাশয় একজন উদারচেতা ও উন্নতমনা ব্যক্তি ছিলেন। ধর্ম্মপন্থা তাঁহার জীবনের একমাত্র অবলম্বন ছিল। তাঁহার মত সচ্চরিত্র সাধু পুরুষ রাজপুত্রদিগের মধ্যে অতি অল্পই দেখিতে পাওয়া যায়। তিনি এত বড় প্রশস্তমনা ব্যক্তি ছিলেন যে, সোদরগণ তাঁহার প্রতি একদিনের জন্ত সহ্যবহার না করিলেও মৃত্যুকালে বলিয়া যান যে, “যদি আমি না বাঁচি, আমাকে ইহলোক হইতে এ বাত্মা স্থানান্তরিত করাই যদি জগদীশ্বরের অভিপ্রেত হয়, তবে আমার ভাতা এবং ভগ্নীপণের প্রত্যেককে আমার সম্বন্ধে সন্তোষ জানাইবে।” তিনি এত বিপদে ছিলেন, কিন্তু এক দিনের জন্ত তাঁহার চিন্তের ধৈর্য্যচ্যুতি লক্ষিত হয় নাই। ১২ ই ফেব্রুয়ারী তারিখে মহাধুমধামে তাঁহার মৃতদেহ উইন্সরের সমাধিক্ষেত্রে সমা-হিত হয়।

মহারানীর স্বর্গীয় পিতা তাঁহার পত্নী “ডেচশ কেণ্ট” মহো-দয়াকে কুমার রক্ষসিত্রী এবং উইথারেল ও কনররকে আপনাদ-্যন্ত সম্পত্তির এক্সিকিউটর নিযুক্ত করিয়া যান। ১৮ই

কেত্রারীতে ইংলণ্ডের লর্ডসভা শোকসন্তপ্তা ডিউক-পত্নীকে সাক্ষনাশ্রুচক পত্র প্রেরণ করেন। তাহাতে স্পষ্টাক্ষরে তাঁহার পতিনিষ্ঠার তুরসী প্রশংসা করা হইয়াছিল এবং মৃত্যু-কালে ডিউক মহোদয় যে তাঁহাকে বলিয়া বান যে “ঈশ্বরে বিশ্বাস রাখিয়া স্তায়পথে চলিবে।” এই কথাকে উপলক্ষ করিয়া লর্ডসভা সাক্ষনাপত্রে উদ্বেগ করেন যে তিনি তাঁহার স্বর্গত ভর্তার নিকট বখেট কৃডম্বতা ও সাক্ষনা প্রাপ্ত হইয়াছেন।

কুমারের পরলোক-প্রাপ্তির পর তাঁহার জরাজীর্ণ পিতা রাজা তৃতীয় জর্জ শোকতাপে উদরাময়-পীড়াক্রান্ত হইলেন। তাঁহার শোকোৎপন্ন ব্যাধি কিছুতেই প্রশমিত হইল না। কুমার এডওয়ার্ডের পরলোকগমনের সপ্তাহপরেই তিনি ইংলোক-লীলা সংবরণ করিলেন।

---

## দ্বিতীয় পরিচ্ছেদ ।

### বাল্যাবস্থা ।

আমাদের ভারতেশ্বরী ভিক্টোরিয়া বর্ষন জন্মগ্রহণ করেন তখন তাঁহার মাতামহী তাঁহার জননীকে নিম্নোক্তপ্রকারে এক-ধানি পত্র লেখেন,—“প্রিয়তমে । তোমার সুখপ্রসবের কথা, এবং প্রসবাঙ্কে তুমি সম্পূর্ণরূপে নিরাপদে আছ, এই সংবাদ শুনিয়া আমি যে কতদূর সুখিনী হইয়াছি তাহা লিখিয়া জানাইতে পারিতেছি না । যদি না তোমার কন্ডার ভাতা জন্মগ্রহণ করিয়া তাহার স্থলাভিষিক্ত হয়, তাহা হইলে বোধ হইতেছে, যে সে দ্বিতীয় সাল্টীরূপে এক দিন ইংলণ্ডক্ষেত্রে মহান অভিনয়ের অভিনেত্রী নির্দিষ্ট হইবে । ইংলণ্ডের প্রকৃতিপুঞ্জ এবং অস্ত্রাত্ত রাজাস্বশাসন চিরশোচিতা সাল্টীর স্মায় তাহাকে ভাল বাসিবে । এধানকার সকলেই তোমার নিরাপদে প্রসব হইবার সংবাদে অত্যন্ত সুখী । তুমি জান যে তোমার এই ক্ষুদ্র জন্মভূমির সকলে তোমাকে কত ভাল বাসে ?”

মহারানীর ভূমিষ্ঠ হইবার তিন মাস পরে অর্থাৎ ১৮১৯ খৃষ্টাব্দের ২৬শে আগষ্ট তাহার স্বামী কুমার আলবার্ট তাঁহার পিতার “রোসেনা” নামক পরম রমণীর উদ্যানে জন্মগ্রহণ করেন । কুমার আলবার্ট মহারানীর মাতুলপুত্র ছিলেন ।

শৈশবাবস্থায় মহারানীর রক্ষণাবেক্ষণের ভার তাঁহার কনিষ্ঠ

মাতুল কুমার লিওপোল্ডকেই গ্রহণ করিতে হইয়াছিল। ইনি ১৮১৬ খ্রষ্টাব্দে মহারাণীর জ্যেষ্ঠতাত চতুর্থ জর্জের একমাত্র কন্যা সার্ল টীকে বিবাহ করিয়া ইংলণ্ডেই অবস্থিতি করিতে ছিলেন। রাজা চতুর্থ জর্জের অন্ত কোন আপত্যনা থাকায় সার্ল টীই যে ইংলণ্ডের অধীশ্বরী হইয়াছেন তাহাই সকলে জানিত, কিন্তু ১৮১৭ খ্রষ্টাব্দে তিনি কালগ্রাসে পতিতা হইলেন। ফিল্ডের কেণ্টের মহার পূর্বে প্রথমিনীবিয়োগবিধুর কুমার লিওপোল্ড স্কটলণ্ডে অবস্থিতি করিতেছিলেন, দারুণ-শোক-সন্তাপ হেতু এ পর্য্যন্ত নবজাতা ভাগিনেরীর মুখচন্দ্র দর্শনে সুখী হইতে পারেন নাই। কিন্তু ভগ্নীপতির পীড়ার সংবাদ পাইয়া সিডমাউথে উপস্থিত হইলেন এবং উপস্থিত দুর্ঘটনার পর শোকসন্তাপ ভগিনীকে সান্ত্বনা করিয়া তদীয় লালন-পালনের ভার আপনি গ্রহণ করেন।

অনন্তর মহারাণীর মাতা তাঁহাকে লইয়া সিডমাউথ হইতে লণ্ডনের কেমিস্টন প্রাসাদে গমন করিলেন। এক্ষণ হইতে এই প্রাসাদটীই তাঁহাদের নিয়মিত বাসস্থান নির্দিষ্ট হইল। রাজকুমারী ভিক্টোরিয়া এই স্থানে থাকিয়া আপন বুদ্ধিমত্তা জননীর সহিত দিনে দিনে পরিবর্দ্ধিত হইতে লাগিলেন। বাল্যকালে “ব্যারোনেস লেভেনি” তাঁহার রক্ষিত্রী নিযুক্ত হইয়াছিলেন। তিনি রাজকুমারীকে ব্যঙ্গোনাতি শেখ করিতেন এবং আপনায় কন্ডার ভায় সূচ্য সাবধানে রাখিতেন।

চারি বৎসর বয়সের পূর্বেই, মহারাণীর বিদ্যারম্ভ হয়। মিঃ হার্ডেভিস্ তাঁহার শিক্ষাকার্য্যে ব্রতী হইলেন। ইনি তাঁহার প্রেরে “পিতারঘরের বিসপ” উপাধি লাভ করিয়াছিলেন।



অধ্যাপক যে বিশেষ উপযুক্ত এবং কার্যকুশল ছিলেন তাহাতে আর সন্দেহ নাই। মহারাজি তাহার নিকট শিক্ষালাভ করিয়া আপনার মানসভাণ্ডার মনোহর জ্ঞানরত্নে পরিপূর্ণ করেন। তাহার মাতাও অতিশয় বুদ্ধিমতী ও সুদূরদর্শিনী রমণী ছিলেন। তিনি কন্ডাকে অতি সাবধানে এবং সতর্কভাবে রক্ষা করিতেেন; বিদ্যা-চর্চা ব্যতীত পারীক্ষিক দৃষ্টি-রক্ষার জন্য যথোচিত বাইসেবন, প্রভাত ও বৈকাল-ভ্রমণ এবং চিত্তবিনোদনের জন্য বাহা বাহা আবশ্যক হইত সে সকলই যত্নবশত করিতেেন। যে সকল বিষয়ে মনোনিবেশ করিলে কন্ডার মনে কুপ্রভৃতি বা কলভিপ্রায় জন্মিতে পারে, এমন কোন কার্য করিতে দিতেেন না। এবং রাজকুমারীও তাহা ইচ্ছা করিতেেন না। তাহার জননী সর্বদা তাহাকে আপনার নিকট রাখিতেেন, ভিলাজের জন্য কাছছাড়া করিতেেন না। এমন কি, দ্বাদশ বৎসর বয়ঃক্রম হইবার পূর্বেও তাহাকে জানিতে দেন নাই যে তিনি ভিন্ন ব্রিটিশ-সিংহাসনে বসিবার আর কোন প্রতিযোগী নাই। এই বিষয়টা জানিতে পারিলে রাজকুমারীর মনে পাছে ইং-সৌভাগ্যের নিশ্চিত আশা জন্মিয়া বিদ্যানুশীলনে অবহেলা জন্মে, এজন্য তিনি এক দিনের জন্যও তাহার নিকট সে কথা প্রকাশ করেন নাই। ইংলণ্ডের সুপ্রসিদ্ধ উপভাসলেখক "সর ওয়াটসার গুট" আপনার দৈনিক-বিবরণমধ্যে লিপিবদ্ধ করিয়াছেন যে তিনি এক দিন কুমার লিওপোল্ডের সহিত সাক্ষাৎ করিতে গিয়া তৎকর্তৃক সামুগ্র্যে অভিযুক্ত হইলেন এবং তাহার অনুরোধক্রমে একত্রে আহারাদি করিয়া ব্রিটন-রাজ্যের ভাবিনী উত্তরাধিকারিণীর সহিত সাক্ষাৎ করিবার জন্য উৎসাহিত

নীচ হইবে দেখিতে পান যে রাজকন্যা যার পূর্বনাহি নিম্নেই সময়ে  
অব্যয়নে নিযুক্তা হইছেন।

১৮২২ খৃষ্টাব্দের মে মাসে পটুগালের তৃতীয় রাজা দ্বিতীয়  
“ফোনা মেরিরা” ইংলণ্ড দর্শনে অভ্যর্থনা করেন। ২২ মে  
যে ইংলণ্ডের “অর্লিন” ও “বাটেশের” ডিউক দুই জনকে  
নিমন্ত্রণ করেন। সেই দিন সন্ধ্যাকালে রাজক-মালিকানিপেত্র  
মৃত্যুমোদন হয়। এই মৃত্যুমোদনে অনেক আশাশিখের মহা-  
রোগের প্রথম দর্শন লাভ করেন।

১৮৩০ খৃষ্টাব্দের জুন মাসে মহারাজের স্নেহভাজ্য রাজা  
চতুর্থ জর্জ পরলোক প্রাপ্ত হইলেন। তাঁহার তৃতীয় স্নেহভাজ্য  
রাজা চতুর্থ উইলিয়াম ইংলণ্ডের সিংহাসনে অভিষেক করেন।  
এই ঘটনা উপলক্ষে মহারাজের মাতামহী তাঁহার মাতাকে  
নিম্নোক্ত পত্রিকাখানি পাঠাইয়াছিলেন;—

“ঈশ্বর প্রাচীন ইংলণ্ড ভূমিকে সুখে রাখুন, যেখানে  
আমার কন্যা হোহিত্রী অবস্থিতি করিতেছে, আমার প্রাণসম্মা  
জ্যেষ্ঠ-হৃদয় ও একদিন তথায় রাজেশ্বরী হইবেন। প্রার্থনা করি  
বালিকার জ্বর মস্তকে কিছু দিন এখন ঈশ্বর রাজমহুট-বহনের  
ভার্যাপন না করেন। এই বিশেষসম্মুখ সম্বন্ধি তোমার কন্যাকে  
জ্ঞাত্য করিবার পূর্বে যেন সে বয়ঃপ্রাপ্ত হয়।”

১৮৩০ খৃষ্টাব্দের ২৩ মে ডিসেম্বর পার্লামেন্টে মহারাজার  
একখানি আইনের পাণ্ডুলিপি উপস্থিত হয়। তাহার মর্ম এই

মহারাজী মে মাসে অনুগ্রহণ করিয়াছিলেন বলিয়া তাঁহার  
জ্যেষ্ঠপুত্র আদর করিয়া তাঁহাকে মে মাসের (জ্যেষ্ঠ-হৃদয়)  
বলিতেন।

যে রাজা চতুর্থ উইলিয়মের ঔরবে এবং রাজমহিষীর শর্তে কোন অপত্যোৎপাদন হয় ও সেই অপত্যের অপ্রাপ্যব্যবহার-কালে যদি মহারাজের মৃত্যু হয়, তবে রাজমহিষী নাবালকের রক্ষয়িত্রী হইয়া তাহার প্রতিনিধিস্বরূপ রাজকাৰ্য্য নিৰ্বাহ করিবেন, আর তাহা না হইয়া যদি বর্তমান রাজা নিরপত্য হইয়া প্রাণত্যাগ করেন, তাহা হইলে রাজকুমারী ভিক্টোরিয়া এক্ষণে যেমন ইংলণ্ডের ভার্জিনী উত্তরাধিকারিণী আছেন, বয়ঃপ্রাপ্তিকাল পর্যন্ত আপন মাতা ডচেশ্ কেণ্ট মহোদয়র কর্তৃত্ব দীনে থাকিবেন এবং রাজসম্রাট তাহার প্রতিনিধিরূপে রাজকাৰ্য্য সম্পাদন করিবেন ।

এই সংবাদ প্রাপ্ত হইয়া মহারাণীর মাতামহী তাহার শ্রদ্ধা-বতী জননীকে আর একখানি পত্র লেখেন । সেখানির এইরূপ ;—“রাজপ্রতিনিধিত্ব তোমার হস্তে না দিয়া আমার হস্তে দিলে, আমি বড়ই অশুধিনী হইতাম । এরূপ না করিলে তুমি যে নিম্নত প্রাণপণ করে তোমার কস্তার বন্ধ লইতে, তাহার স্মারামুগত পুরস্কার হইত না । যদি তোমাকে রাজপ্রতিনিধিত্ব করিতে হয়, তবে ঈশ্বর তোমাকে তৎকার্য্যনিৰ্বাহোপায়ী বল ও বুদ্ধি প্রদান করিবেন । প্রার্থনা করি, তিনি আমাদিগের প্রিয়তমাকে কুশলে ও নিরাপদে রাখিবেন । আমার ইচ্ছা হয় তাহাকে আর একবার দেখি । তুমি তাহার যে চিত্রপটখানি পাঠাইয়াছ, আমার নিকট যেখানি আছে, সেখানির মত নহে । যে কেশগুচ্ছগুলি তাহার স্মরণ মস্তক আবৃত করিয়া আছে সেগুলি তাহার রমণীয় কৃত্র অবয়বের পক্ষে বড় দেখাইতেছে ।”

এইরূপ জাইনের নাম ইংরাজীতে “রিজেন্ট আউট” । এই রিজেন্ট আউট নইরা কখন মহাসভা পার্লামেন্টে আসন-লন চলিতে থাকে, তখন এক দিন “ব্যারনেশ লেজেন” কেণ্টের ডেচন্ মহোদয়কে বলেন যে, রাজকুমারীর সিংহাসন-প্রাপ্তির কথা তাঁহাকে অবগত করা কর্তব্য । আমাধিপের রাজ্যমাতা তাহাতে সম্মত হইলে উপরোক্ত ব্যারন-রমণী রাজ-মারীর পাঠ্যগ্রন্থমধ্যে রাজবংশের একখানি তালিকা রাখিয়া দেন । মহারাজের অধ্যাপক মিঃ ডেভিস প্রতিদিনের জ্ঞান-প্রদীপনাকার্য্য সমাপ্ত করিয়া চলিয়া গেলে তিনি অভ্যাসমত, পুনরায় সেই গ্রন্থখানি খুলিবামাত্র সেই তালিকাখানি দেখিতে পান, দেখিয়া ব্যারনেশ লেজেনকে বলেন “আমি এখানি কখন দেখি নাই ।” এই কথার ব্যারনমহিলা বলেন “এতদিন উণ্ডা আপনাকে দেখান সুজিহ্বু বলিয়া বিবেচনা করা যায় না ।”

রাজকুমারী । দেখিতেছি, আমি সিংহাসনের অতি নিকট-বর্ত্তিনী, এ কথা পূর্বে কখন আমার মনে হয় নাই ।

ব্যারনেশ । সে কথা সত্য ।

রাজকুমারী । অত্যন্ত বালিকা ভাষা করিতে পারেন বটে, কিন্তু রাজপদ যে কতদূর বিপদ-সঙ্কুল তাহা তাঁহারা জানেন না । তাহাতে আড়ম্বর খুব আছে, কিছু হারিওও ততোধিক ।

তিনি আরও বলিলেন যে “আমি ইংলণ্ডের সিংহাসন লাভ করিতে পারিলে, বাহাতে সুখরূপে কাট করিতে পারি,

তাহার চেষ্টা করিব। আপনি আমাকে লেখা পড়া, বিশেষতঃ ল্যাটিন শিখিবার জন্য কেন যে নির্দ্বন্দ্ব প্রকাশ করেন এখন তাহা বেশ বুঝিতে পারিয়াছি। আমার জেঠাইমারা কখন ল্যাটিন পড়েন নাই, কিন্তু আপনি বলিয়া থাকেন যে ল্যাটিনই ইংরাজী ভাষা, এবং ইংরাজী-ব্যাকরণ-শিক্ষার মূল। এত দিনে তাহার উদ্দেশ্য বুঝিয়াছি।” তিনি বারংবার ব্যাবরণপন্থীর কর্ণশর্শ করিয়া বলিলেন “আমি কু হইতে চেষ্টা করিব।”

যাত্রণেশ। আপনার জেঠাইমা “আডেলাইড” অভয়বদ্বা, এখনও তাহার সম্ভানোৎপাদনের সময় যায় নাই। তাহার সম্ভান সম্ভতি হইলে তাহারাই তাহাদের পিতৃসিংহাসনের অধিকারী হইবেন, আপনি আর হইতে পারিবেন না।

রাজকুমারী। যদি তাহাই হয়, আমি ভগ্নাশা হইব না। জেঠাইমা আমাকে যেরূপ ভাল বাসেন তাহা-তেই আমি জানি যে, আমি রাজভদ্রী হইরা উজ্জ্বল আদর পাইব।

যখন রাজ্ঞী আডেলাইডের দ্বিতীয়া কন্যা কালগ্রাসে পতিতা হইল, তখন তিনি মহারাণীর মাতাকে এই বলিয়া পত্র লেখেন যে “আমার দুইটা কন্যাই বিনষ্টা হইল। তোমারটা জীবিত আছে, সেটা আমারই।”

আমাদের কল্পন-কল্পনা নিঃস্বার্থবতী ভারতমাতা আপনার স্বামীর জীবনচরিতে যে স্থলে রাজ্ঞী আডেলাইডের এই কল্পনকী-কথার উল্লেখ আছে, সে স্থলে নিয়োক্ত চীকানী স্বরং লিপিবদ্ধ করিয়া প্রাণক-মনের ব্যর্থ পর নাই মহৎপ্রকাশ করিয়া-

ছেন। তিনি লিখিয়াছেন যে “আমি এই কথা তিনিয়া য়োদিন করি, এবং ইহার জন্ত এখনও কষ্ট বোধ করিয়া থাকি।”

১৮৩১ খৃষ্টাব্দের ৩রা ফেব্রুয়ারী পার্লামেন্ট সভা কর্তৃক “রিজল্ট আক্ট” অনুমোদিত হয়। এই বৎসর জুন মাসে কুমার আলবার্টের পিতা ইংলণ্ড-ভ্রমণে আইসেন, এবং মহারানীর পরমহিতৈষী মাতুল কুমার লিওপোল্ড বেলজিয়ম রাজ্যের অধিপতি হু লাত করিয়া তদ্রূপ বাত্রা করেন। বেলজিয়মে থাকিয়াও রাজা লিওপোল্ড ভাগিনেয়ীর প্রতি সমধিক স্নেহ ও বস্তু প্রদর্শন করিতেন এবং যখন আমাদের মহারানী ইংলণ্ডের অদীশ্বরী হইয়া সিংহাসনারূঢ়া হইলেন, তখনও তিনি তাঁহাকে রাজকাৰ্য্যপরিচালনের বহুমূল্য উপদেশ দ্বারা তাঁহার অশেষ মঙ্গল সাধন করিতেন।

রাজা চতুর্থ জর্জের সহিত মহারানীর মাতার সদ্ভাব ছিল না এবং দেবর “কম্বলগের ডিউকও” তাঁহার প্রতি প্রসন্ন ছিলেন না। চতুর্থ জর্জ একান্ত সময়ে সময়ে মহারানীকে তাঁহার মাতার নিকট হইতে কাড়িয়া লইবার চেষ্টা করিতেন। কিন্তু বাহাতে বিবাদ বিসংবাদ না ঘটে তাহার জন্ত “ডিউক অফ ওয়েলিংটন” সাধ্যানুসারে তাঁহাকে প্রতিনিবৃত্ত করিতেন। চতুর্থ জর্জের মৃত্যুর পর ডেচশ্ কেণ্ট মহোদয় ডিউক ওয়েলিংটনকে বলিয়া পাঠান যে, তাঁহার এবং তাঁহার কস্তার প্রচুর বৃত্তি নির্দেশ করিয়া তাঁহাকে “ওয়েলসের বিধবা রাজ-বধূ” এই আখ্যা দান করা হয়, এবং এ কথাও বলেন যে তাঁহাঙ্গির উত্তরের বৃত্তির উপরই তাঁহার তুল্য ক্ষমতা থাকিবে এবং তাঁহার কস্তাকে রাজ-সিংহাসনের ভবিষ্যৎ উত্তরাধিকারিণী নির্দিষ্ট করিতে হইবে।

এই কথার উক্ত ডিউক মহোদয় উত্তর করেন যে, তাঁহার প্রস্তাব সম্পূর্ণ অযোগ্য। তাহার সময় এখনও উপস্থিত হয় নাই। যখন তাহা হইবে তখন তাঁহাকে না জানাইয়া করা হইবে না। ইহাতে ডচেস্ কেণ্ট মহাশয় সন্তোষ লাভ করিতে না পারিয়া অনেক দিন পর্যন্ত তাঁহার সহিত বাক্যালাপ করেন নাই। এক্ষণে “রিজেক্ট আক্ট” স্থগিত হইলে “ডিউক ওরেলিংটন” তাহার পাণ্ডুলিপিখানি মহারানীর মাতাকে দেখাইবার জন্য পাঠাইয়া দিয়াছিলেন। এই জন্মই উক্ত আইন মঞ্জুর হইবার পূর্বেই তিনি তাহার পাণ্ডুলিপিখানি দেখিতে পাইয়াছিলেন।

১৮৩১ খৃষ্টাব্দের ১লা আগষ্ট মহাসমারোহে লণ্ডন-সেতু উদ্বাটিত হয়। সেই দিন রাজা চতুর্থ উইলিয়ম লর্ড চ্যান্সেলরকে দিয়া পার্লামেন্ট সভায় প্রস্তাব করেন যে রাজকুমারী ভিক্টোরিয়া ও তাঁহার মাতার যে বৃত্তি নির্দিষ্ট আছে তাহা প্রচুর নহে, এজন্য বাহাতে সেই বৃত্তি বর্ধিত হয়, তৎপক্ষে বিহিত উপায় অবলম্বনে রাজ্যের প্রধান প্রধান ব্যক্তিগণ মনোযোগী হইলে তিনি সুখী হইবেন। মহারাজের প্রস্তাবে সকলেই সম্মত হইলেন এবং উত্তরবৃত্তি বর্ধিত হইয়া বার্ষিক দ্বাদশ-সহস্র পাউণ্ড অর্থাৎ দুইলক্ষ বিশ হাজার টাকা দাখ্য হয়। এই ব্যয়ের শেবতাপে মহারানী তাঁহার জননীর সহিত “ওয়ারাইট” গ্রীণের স্বাস্থ্যকর-জল-বাহু-সেবনের জন্য ভাষা দিয়া কিয়দিবস অতিবাহিত করিয়াছিলেন, এজন্য তাঁহার জ্যেষ্ঠভ্রাতার অভিবেকোৎসবস্থলে উপস্থিত হইতে পারেন নাই।

১৮৬২ খৃষ্টাব্দের শেষভাগে মহারাণীর মার্তী তাঁহাকে লইয়া ওয়েল্‌সের প্রধান প্রধান নগর এবং তত্রত্য স্বাভাবিক সৌন্দর্য্য সম্বন্ধে বহির্গত হইলেন। ভ্রমণকালে ভাবী ইংলণ্ডেশ্বরী ও তাঁহার মাননীয়া গর্ভধারিণী সকল স্থানের প্রকৃতিপুঞ্জের নিকট হইতে প্রভূত তাকি ও সম্মান লাভ করিয়াছিলেন। তাঁহারা যেখানে গিয়াছেন সেইখানেই নগর ও গ্রামবাসীরা দলে দলে উপস্থিত হইয়া তাঁহাদের সংবর্দ্ধনা করিয়াছে।

উত্তর ওয়েল্‌সের রমণীয় স্থান সকল পরিদর্শনকালে প্রাচীন ‘চেষ্টার’ নগর সম্বর্শন করিয়া তাঁহারা যংপরোনাস্তি আনন্দ লাভ করেন। এই সময়েই তাঁহাদিগের দ্বারা ইংলণ্ডের প্রসিদ্ধ “চেষ্টার ডি ব্রিজ” নামক সেতুটি প্রথম উদ্ঘাটিত হয়। চেষ্টার নগর পরিত্যাগ করিয়া তাঁহারা “হার্ডউইক”, “চেষ্টারকিল্ড” এবং “মাটলক” নামক নগরত্রয় পরিদর্শন করিয়া ‘শ্রদ্ধা বেনীতে’ উপনীত হইলেন। তথা হইতে “টেশ্টার” “ডুট্‌উইচ” “ব্রমস্‌ব্রোড” হইয়া তাঁহারা “অক্সফোর্ডে” আসিয়া তত্রত্য বিশ্ববিদ্যালয় পরিদর্শন করেন। এই স্থানে তাঁহাদিগকে যে অভিনন্দন পত্র প্রদান করা হয় তদন্তরে মহারাণীর মাতা সাধারণের শ্রুতিশ্রবকর কতকগুলি উপদেশপূর্ণ কথা বলেন এবং রাজকুমারীকে যে প্রকৃতিপুঞ্জ বিলক্ষণ ভাল বাসেন তাহার কল্প বিশেষ কৃতজ্ঞতা প্রকাশ করিলেন। তাঁহারা যে যে স্থান পরিদর্শন করিয়াছিলেন, সেই সেই স্থানের ব্যক্তিদ্বিগের দ্বারাই মহাসমারোহে অভ্যর্থিত হইয়া যেমন যথেষ্ট সমাদর প্রাপ্ত হইয়াছিলেন, তাঁহারাও বিলক্ষণ শিষ্টাচার প্রদর্শন করিয়া যেমনি সকলকে আপ্যায়িত করিয়াছিলেন। অক্সফোর্ড হইতে বহির্গত



হইয়া তাঁহারা ২ই নবেম্বর কেম্পটন আসায়ে প্রত্যাগমন করেন।

কিছু দিন কেম্পটনে অবস্থিতি করিয়া তাঁহারা “নরিশ ক্যাম্পে” গমন করেন। ১৮৩০ খৃষ্টাব্দের সেপ্টেম্বর মাসে “স্টাউকম্পটন” নামক স্থানে একটি জলপ্রপাতের নির্মাণ-কার্য সমাপ্ত হয়। উহার প্রতিষ্ঠাদিনে মহাসমারোহের সহিত একটি উৎসব হইয়াছিল। সেই উৎসবে ডচেশ্, কেট তাঁহার কন্যাকে নইয়া উপস্থিত হইয়াছিলেন। তাঁহারাই সেই উৎসবে কর্তৃত্ব করেন। মহারাজের মাতা উহার “ব্রায়ল পিয়ার” এই নাম দিয়াছিলেন। এই বৎসর ২৪ শে মে “ওয়েস্ট মিনিষ্টার জাবিতে” একটি রাজকীয় দলোভোৎসব হয়, তাহাতেও মহারাজী ও তাঁহার মাতা অজ্ঞান রাজপরিবারবর্গের সহিত উপস্থিত হইয়াছিলেন।

এই সময়ে রাজকুমারী ভিক্টোরিয়া ইংলণ্ডের সিংহাসনের উত্তরাধিকারিণী হইবার নিশ্চিত সংবাদ ইউরোপবর্গের সর্বত্র প্রচারিত হইলে নানা স্থান হইতে রাজপুত্রপণ তাঁহার পানি-গ্রহণের আকাজক উপস্থিত হইতে লাগিলেন। তাঁহাছিন্নের সম্ভার্যনা এবং আতিথ্যসংকারের জন্য রাজপরিবারবর্গের মধ্যে স্নিক্ত সূতাগীত ও অনিশ্চিন্তা চলিতে থাকে। ঐশ্বর্যবাহিনী সেই মহারাজীর বৃদ্ধা মাতামহী তাঁহার জড়পরিণয়ের সম্বন্ধ স্থির করিয়া রাখিয়াছিলেন। সেই পরলোকসিরাঘিনী রাজ-দলিবার ঐকান্তিকী মাসলা ছিল যে তাঁহার পৌত্র কুমার আলবার্টের সঙ্গে কুমারী ভিক্টোরিয়ার বিবাহ হয়। সে কথা কো-বর্গের রাজপরিবারবর্গে যখনই স্মরণ হইত ছিলেন। যখন কুমার

আলবার্টের বয়স তিনবৎসরমাত্র, তখন খাত্তী তাঁহার কাছা-  
খামাইবার জন্য বলিডেন “ইংলণ্ডে বন্ধু আছেন ।”

মহারাজার বয়োবৃদ্ধির সহিত তাঁহার রাজত্বপ্রাপ্তির সম্ভাবনা  
যতই হ্রাস হইতে লাগিল, কোবর্গের রাজপরিজনগণের মনে  
পূর্বসন্ধিতে সেই সময়ে আধিক্য ভুগিত পোষিত হইতে  
লাগিল । মহারাজার কনিষ্ঠ মাতুল লিওপোল্ডের মনেও সেই  
বাসনা বলবতী ছিল । এক্ষণে সেই বলবতী ইচ্ছাকে সফল  
করিবার সময় সমাগত । অন্যান্য তিনি কুমার আলবার্টের আচার  
ব্যবহার, স্বভাব, শিক্ষা সকলই নিরপেক্ষভাবে পর্যবেক্ষণ  
করিতে লাগিলেন । ইংলণ্ডে দীর্ঘকাল অবস্থিতি করিয়া শৈশু-  
ব্যবহি মহারাজার লালন-পালন-ভারবহনে বিলক্ষণ বিনীতবশতঃ  
তাঁহার উপর স্নেহাধিক্য জন্মিতে থাকে । তিনি কায়মনোবাক্যে  
তাঁহািনেয়ার মঙ্গলচেষ্টা করিডেন । কুমার আলবার্টও তাঁহার  
অগ্রদূতের পুত্র, এজন্য উভয়ের প্রতিই তাঁহার স্নেহাধিক্য স্বভাব-  
সিদ্ধ । অতএব পাছে তাঁহার মন স্নেহবৃত্তির বশবর্তী হইয়া  
মোহবশতঃ উভয়ের দোষ অপেক্ষা গুণের পক্ষপাতী হয় এবং  
‘উদ্ধার উত্তর-জীবনের সুখময়ী বাসস্থান দিবা প্রান্তরের অন্তর-  
ভাগ হয়, অন্যান্য তিনি আপনার প্রাচীন এবং দূরদর্শী বন্ধু ব্যারণ  
টকমারকে পরামর্শ জিজ্ঞাসা করেন ।

ব্যারণ টকমার একজন সাক্ষর কোবর্গের অধিবাসী । ১৮৩৬  
খ্রীষ্টাব্দে রাজা লিওপোল্ড যখন রাজকুমারী সার্লটাকে বিবাহ  
করিয়া ইংলণ্ডে অবস্থিতি করেন, তখন তিনি চিকিৎসকরূপে  
লিওপোল্ডের সৈন্যে আসিয়া তাঁহার স্বাস্থ্য এবং প্রাসাদান্তঃকরণে  
ইংলণ্ডে অবস্থিতি করিডেন । দীর্ঘকাল ইংলণ্ডে থাকিয়া তিনি

ইংরেজ জাতি, ইংরাজী রাজনীতি এবং ইংলণ্ডদেশের প্রচুর জ্ঞান লাভ করেন। তিনি একজন উচ্চশ্রেণীর রাজনীতিজ্ঞ এবং পরোপকারপরায়ণ ব্যক্তি ছিলেন।

ব্যারন ষ্টকমার লিওপোল্ডের পর পাইয়া রাজকুমারের চরিত্র এবং তিনি যে গুরুতর দায়িত্বপূর্ণ পদের জন্য নির্বাচিত হইতেছেন তাহা সম্বন্ধে অমূলক উত্তর দান করেন। ব্যারন ষ্টকমারের কণা "মহারাজার" লেখনী দ্বারা "প্রমাণীকৃত হইতেছে। কিম্বাহেতুপূর্বের দ্বারা আলবার্ট বর্ধন মঙ্গলবারের সহিত একবার সাক্ষাৎ করিতে গিয়া তাহার সহিত একত্রে কেমিংটন প্রাসাদে সন্মিলিত হইলেন, "মহারাজা আপনার দৈনিক বিবরণীতে সেই সময়ে লিখিয়াছেন যে, "কুমার আলবার্ট তাহার অগ্রজ অপেক্ষা কীর্তি, বিলম্বিত সুশ্রী এবং বলিষ্ঠ। তিনি অতি বমণীয়। তার পর নাই সরল, বড় প্রকৃতিচিহ্ন এবং সকল বিষয়ে পারদর্শী, ইত্যাদি।

১৮৩৭ খ্রিষ্টাব্দের ২৪ শে মে আমাদের মঙ্গলবারের বয়ঃক্রম ষষ্ঠাদশ বর্ষ পূর্ণ হয়। পার্লামেন্টের নিয়মানুসারে এই সময় তিনি বয়ঃপ্রাপ্ত হইলেন। এতদুপলক্ষে নানাস্থান হইতে মঙ্গলবারের পূর্বক অভিবন্দন পত্র প্রেরিত হয়। সেই দিন একটী সাধারণ উৎসব, আপিসাদি বন্ধ, এবং রাত্রিকালে রাজধানী ও অন্যান্য নগর, মহানগর সকল আলোকমালায় বিভূষিত হয়। এই ঘটনার সন্ধানার্থে লণ্ডনের সেন্ট জেমস প্রাসাদে সন্ধ্যা-মোক্ষ হয়।

এই মে মাসের মধ্যভাগেই রাজা চতুর্থ উইলিয়াম কাম-পেরোপাধ্যাক্ত হইলেন, ক্রমে তাহার পীড়া কঠিন হইতে কঠিনতর

হইতে থাকে। বড় বড় চিকিৎসকদিগের যুক্তি-পরামর্শকে পরাভূত করিয়া অবশেষে তাহা সাংঘাতিক হইয়া উঠিল। ১৮৩৭ খৃষ্টাব্দের ২০শে জুন তিনি ইহ সংসারের অকিকিৎসক রাত্রে স্বর্গ্য পরিত্যাগ করিয়া নিত্যধামে গমন করিলেন।

## তৃতীয় পরিচ্ছেদ ।

### রাজ্যাভিসেক ।

অজি ইংলণ্ডের এক নূতন দিন,— নব্বয় জগতের নিষম এই যে ইচ্ছাতে চিরদিন কিছুই সমান ভানে থাকে না। যুব-জনের তিরোভাব, নূতনের আবির্ভাব ইহ জগতের চিরস্থান নিয়ম। রাজ্যোপর হইতে কুটীরবাসী, অন্যথ দীন দরিদ্র এবং মহাকান্ত বৃথপতি হইতে কাঁটাগু পদাশ্র এই বিশ্ব-জনীন নিয়মের বশবর্তী। শুভরাত্র মহারাজ চতুর্প উইলিয়মের মৃত্যু যে একটী অপূর্ণ ঘটনা তাহা নহে। কিন্তু তথাপি ইহাকে ইংলণ্ডের পক্ষে নূতন বলা যাইতে পারে, কেননা আমাদিগের মহারাজীর রাজ্যকাল ইংলণ্ডের ইতিহাসকে সুবর্ণাক্ষরে লিখিত করিয়াছে। তাঁহার রাজ্যকালে ইংলণ্ডের রাজ্য-বিস্তৃতি, বাণিজ্যের উন্নতি, সমরক্ষেত্রে ইংলণ্ডের বিজয়লক্ষ্মীর সুপ্রসঙ্গতা হেতু ইংলণ্ড সমস্ত পৃথিবীর আদর্শস্থানীয়। একরূপ প্রবল-প্রভাববিশিষ্ট-রাজ্যভোগ বোধ হয় পৃথিবীর মধ্যে কোন জাতির

অদৃষ্টে ঘটে নাই, ঘটবে না । জলযুদ্ধে আজি পর্যন্ত সঙ্গর  
ধরিত্রীর মধ্যে কোন জাতিই ইংলণ্ডের সম্মুখীন হইতে পারেন  
নাই । ইংলণ্ডের যত কিছু সমৃদ্ধি, যত কিছু গৌরব, সমস্তই  
আমাদিগের ক্ষণজন্মা মহারাণীর পুণ্যপ্রভাবে এবং ভাগ্য-  
দেবীর প্রসন্নতায় হইয়াছে ।

২০শে জুন রাত্রি ২টা ২০ মিনিটের সময় রাজা চতুর্থ উই-  
লিয়ম উইণ্ডসর প্রাসাদে বিগতপ্রাণ পতিত । এদিকে যোর  
নিস্তরক নিম্নাধিনীর শাস্তি-স্বপ্ন উপেক্ষা করিয়া ক্যাটরবরীর  
পুরোহিত, ডাকার হাউলী, লর্ড চেম্বরলেন, এবং মার্কুইস  
কানিংহাম উইণ্ডসর পরিত্যগ পূর্বক লণ্ডনের কেমিংটন  
প্রাসাদে, যেখানে ইংলণ্ডের অভিনবা রাজ্ঞী শান্তিদেবীর সুখ  
অঙ্কে নিদ্রা বাইতে ছিলেন, সেইখানে উপস্থিত হইলেন ।  
ঔষহার দ্বারদেশে উপস্থিত হইয়া মহারাজ্ঞী ভিক্টোরিয়ার এক  
জন পরিচারিকাকে জাগ্রত করিলেন । তখন রাত্রি ৫টা বাজি-  
য়াছে । প্রথমতঃ পরিচারিকা তাহার কর্তার সুখনিদ্রা ভঙ্গ  
করিতে সাহসিনী হইল না ; কিন্তু আগন্তক মহাসম্রাট ব্যক্তি-  
দিগের নির্বন্ধ দেখিয়া তিনি তাঁহাকে জাগরিত করিলেন ।  
যখন মহারাণী শয্যা পরিত্যগ করিয়া আইসেন তখন তাঁহার  
আলু খালু বেশ । পরিধান নৈশ গাউন, গায়ে শাল, মস্তক  
অনাবৃত, কেশজাল আলুলায়িত স্বল্পোপরি লম্বমান, পায়ে চটী  
জুতা, চক্ষে অস্ত্র । তৎক্ষণাৎ রাজমন্ত্রী হেলবরগকে আনিবার  
জন্ত সংবাদ গেল, এবং বেলা ১১টার সময় প্রিভিকৌন্সিল  
রসাইবার বন্দোবস্ত করা হইল ।

মহারাণী ১৮৩৭ খৃষ্টাব্দের ২০শে জুন বেলা ১১টার সময়

কেমিংস্টন প্রাসাদের সিংহাসনে উপবিষ্ট হইয়া ইংলণ্ডের রাজ-  
দণ্ড গ্রহণ করিলেন। তিনি রাজ্যভার গ্রহণ করিবার সময়  
দর্শকমণ্ডলীর মধ্যে ঘোরতর আনন্দ-কোলাহল উদ্ভূত হইয়া-  
ছিল। তাঁহার রীতি নীতি, আচার ব্যবহার সকলই অদ্ভুত এবং  
আশাতীত। নিত্যকাল অল্পবয়স্কা হইয়া সাংসারিক জ্ঞান এবং  
অভিজ্ঞতার অভাব প্রসূক্ত সকলেই যার পর নাই আগ্রহবান  
হইয়া দেখিতে আসিয়াছিলেন যে, উপস্থিত ক্ষেত্রে তিনি  
কিভাবে কার্য্য করেন। তাঁহার রাজ্যভারগ্রহণের সংবাদ সর্বত্র  
প্রচারিত না হইলেও বহুলজনতা হইয়াছিল।

মহারানী উপস্থিত লর্ডসিগকে অভিবাदन করিয়া আপনার  
আসন গ্রহণ করিলেন। তাহার পর তিনি একপাশে পরিকৃত  
শ্রবণশ্রী করে এবং সুন্দর ও তেজস্বিনী ভাষায় আপনার  
বক্তৃতা পাঠ করিলেন যে কিছুমাত্র ভীতি বা বিফলতার কোন  
চিহ্নই লক্ষিত হইল না। সমালোচকের তীব্র সমালোচনাও  
সেই মধুর বক্তৃতার ছিদ্রামুসন্ধান পাইল না। বিদেশীয়  
রাজস্ববর্ণের সহিত সখ্যতা-স্থাপন, অপরাধীর প্রতি কঠোরতর-  
প্রত্যক্ষা-দ্রাস, এবং ধর্ম্মের উন্নতিবিধান করা এই বক্তৃতার  
দাবীভূত। তাঁহার এই সময়ের পরিচ্ছদ আড়ম্বরশূন্য ও  
শোকসূচক ছিল।

বক্তৃতা-পাঠ সমাপ্ত হইলে ইংলণ্ডীয়-প্রবাসীসকলে লর্ড  
চ্যান্সেলার তাঁহাকে প্রতিজ্ঞাপত্রে স্বাক্ষর করাইলেন। মহা-  
রানীর ধারমণ্ডী এবং প্রিন্সকোন্সিলের অভ্যঙ্গ সিংহাসনের  
সম্মুখে জামু পাতিয়া প্রতিজ্ঞা-বাক্য পাঠ করিলেন। তাহার  
পরে অন্তান্ত কার্য্য বখারীতি সম্পন্ন করা হইল। পরিশেষে

রাজমন্ত্রিপত্র ঘোষণাপত্র লিখিত করিয়া তাহাতে মহারানীর স্বাক্ষর করাইয়া তাঁহার রাজ্যঘোষণা করিলেন । পরদিন সেই ঘোষণাপত্র রাজধানীর প্রকাশ্য স্থান সকলে উপস্থিত সমারোহের সহিত পঠিত ও প্রচারিত হইল ।

২২শে জুন দিবসে মহারাজ্ঞী পার্লামেন্টের লর্ড এবং কমন্স সভায় এই মর্মে এক সংবাদ পাঠাইয়া দেন যে, তাঁহার পরলোক-প্রস্থিত জ্যেষ্ঠজাতের মৃত্যু উপলক্ষে পার্লামেন্টের নবাবিবেশন পর্য্যন্ত বিশেষ প্রয়োজনীয় কার্য্য ব্যতীত সাধারণ রাজকার্য্য নির্বাহ করিবেন না । মহারানীর রাজ্যপ্রাপ্তির কথা সর্বত্র প্রচারিত হইলে, ইউরোপের নানাদেশ হইতে 'তাঁহার আশ্রয় কুটুম্ব এবং বন্ধুবান্ধবেরা তাঁহার মাতা ও তাঁহাকে পত্র লিখিয়া আপনাপন আফ্রাদ প্রকাশ করিতে লাগিলেন । সেই সকল পত্রের মধ্যে একখানি বিশেষ উল্লেখযোগ্য । সেখানি তাঁহার ভাবী দামী কুমার জালুবার্টের লিখিত ।

“বন” ২৬শে জুন ১৮৩৭ ।

“আমার প্রিয়ভগিনি !

আপনার জীবনে যে মহৎ পরিবর্তন সংঘটিত হইয়াছে তাহাতে আমার সরলতা-পূর্ণ হৃদানুভূতি উপহার দিবার জন্য কয়েক পংক্তি লিপিবদ্ধ করিতেছি ।

এক্ষণে আপনি ইউরোপের অতিবড় ক্ষমতাশালী দেশের অধীশ্বরী ; কোটি কোটি লোকের সুখ দুঃখ আপনার উপর নির্ভর করিতেছে । প্রার্থনা করি, ঈশ্বর আপনাকে সেই উচ্চ এবং কঠিনতম কার্য্য সম্পাদনে বলশালিনী করিবেন ।

আমি আশা করি যে, আপনার রাজ্য দীর্ঘকাল-ব্যাপী সুখ ও গৌরবময় হইবে এবং প্রকৃতিপুঞ্জের তত্ত্ব ও কুতূহলতা দ্বারা আপনার রাজকাৰ্য্য-নিৰ্বাহের শ্রম ও যত্নের পুরস্কার পাইবেন ।

আপনাকে প্রার্থনা জানাইতেছি যে, আপনি আপনার “বন” স্থিত ভাটদ্বয়কে আত্মীয়ভাবে দেখিবেন, এবং এখন পর্য্যন্ত তাহাদিগের প্রতি আপনার যেরূপ দয়া আছে যেন তেমনই থাকে । নিশ্চয় জানিবেন যে, আমাদিগের মন আপনার নিকটেই আছে ।

আমি আপনার বহুমূল্য সময় অপব্যয় করিয়া অবিলম্বেচকের কাজ করিব না । নিয়ত আমাকে আপনার রাজশ্রী একান্ত দায় এবং বিপুল ভৃত্য বলিয়া জানিবেন ।

আলবার্ট ।”

১ই নবেম্বরে আমাদিগের মহারানী ভিক্টোরিয়া ইংলণ্ড-প্রবীরূপে প্রথম লণ্ডননগরে দর্শনদান করিয়াছিলেন । তাঁহার অভিযাত্রার জন্য সে দিন লণ্ডনে মহান আড়ম্বর হইয়াছিল । মহারানীর জননী ও কনিষ্ঠা পিতৃব্যপত্নীরা এবং পিতৃব্যপুত্র প্রিন্স জর্জ ( বর্তমান ডিউক অফ কেম্ব্রিজ ) তাঁহার সঙ্গে গিয়াছিলেন । এই উৎসবে লর্ড মেয়রকে ব্যারনেট এবং দুইজন সেরফকে নাইট্ উপাধি প্রদত্ত হয় । এই সংসর ১০ই ডিসেম্বর মহারানী তাঁহার মাতার বার্ষিকপতি বর্জিত করিবার জন্য পার্লামেন্টে প্রস্তাবনা করিলে চ্যান্সেলার এক্সচেঞ্জের ত্রিশ-সহস্র পাউণ্ড ব্যয় করিবার কথা বলিলেন এবং তাহাই মঞ্জুর হইল । এই সময়ে স্বর্ণীয় ডিউক কেণ্ট মহোদয়ের এবং তাঁহার



জীবিত থাকিবার কালে মহারানীর মাতার অবস্থা স্মরণ করিয়া রামায়ণের একটী কথা মনে পড়িল। মহারাজ রামচন্দ্র বনগমন-কালে ঋষিপ্রবর ভরদ্বাজের আজ্ঞামে গমন করেন। তখন তিনি উপবেশন জ্ঞাত হইলেন। একখানি কুশাসন মাত্র দিয়া অভ্যর্থনা করিয়াছিলেন। তাহার পরে সেই রামচন্দ্র বধন দর্শনিনের নিধনসাধন ও পিতৃসত্য পালনান্তে স্বরাজ্যে প্রত্যাবৃত্ত হইলেন, তখন তিনি ভরদ্বাজাজ্ঞামে উপস্থিত হইলে ঋষিরাজ তাঁহার অভ্যর্থনার জ্ঞাত রত্নসিংহাসন ও তুহপযুক্ত আয়োজন করেন। ইহা দেখিয়া রামচন্দ্র তাঁহাকে জিজ্ঞাসা করেন “তাপসপ্রবীণ! এঁবার এরূপ আড়ম্বরের প্রয়োজন কি?” তখন ভরদ্বাজ উত্তর করিলেন “মহারাজ! সংসারের অবস্থা এই পূজা হইয়া থাকে, শরীর বা শরীরীর নহে।” মহারাজ ডিউক অফ কেণ্ট দেনাব দ্বায়ে যে পার্লেমেন্টে মহাসভার নিকট তাঁহার বার্ষিক বৃত্তি বৃদ্ধি করিবার জ্ঞাত এক দিন লালারিত হইয়া পরিশেষে আপনাত্মক সম্ভ্রান্তি বিক্রয় করিবার জ্ঞাত প্রার্থনা করিলে তাঁহার প্রার্থনায় কর্ণপাত করা হয় নাই, আত্মাও সেই পার্লেমেন্টে; কিন্তু ডেচেশ্ অফ কেণ্ট এফগে রাজমতি। অতএব মহারাজনের বাক্য চির দিন সফল।

জ্যেষ্ঠতাতের পরলোক-প্রাপ্তির পর মহারানী ইংলণ্ডের সিংহাসনে আরোহণ করিয়াছিলেন বটে, কিন্তু অভিব্যক্তি উপলক্ষে যে একটা উৎসব হওয়া আবশ্যিক, এতদিন তাহা হয় নাই। বিশেষতঃ মহারানী ভিক্টোরিয়ার ত্রায় অল্প কোন রাজত্বললা ইংলণ্ডের সিংহাসনে সমাসীনা করেন নাই। সত্য বটে, মহারাজ্ঞী “আনি” “এলিজাবেথ” এবং “আনির”

ভাগী এই তিনটি রাজ্যস্বনা আমাদের মহারাণীর পূর্বে ইংলণ্ডের অদীশ্বরীত্ব প্রাপ্ত হইয়াছিলেন, কিন্তু মহারাণী “আনি” সিংহাসনারোহণকালে বিবাহিতা ও পুত্রবতী ছিলেন, “এলিজাবেথ” এত অল্পবয়স্কা ছিলেন না। “আনির” ভগিনী আপনার স্বত্ব সার্মাকে অর্পণ করিয়াছিলেন। একত্র আমাদের ভারতেশ্বরী ভিক্টোরিয়ার অভিষেক সকল অপেক্ষা নতুনরকমের বলিষ্ঠ হইবে। ১৮৩৮ খৃষ্টাব্দের ২৮শে জুন এই অভিষেকোৎসব উপলক্ষে লণ্ডন নগরে মহাসমারোহ হইয়াছিল। একপাশে বয় উৎসব-দর্শন-পিপাসু ব্যক্তিদিগের সংখ্যা এতাদিক হইয়াছিল যে, লণ্ডনের সেন্ট জেমস স্ট্রীটের পার্শ্ববর্তী বাড়ী গলির স্থানালো, বারান্দা এবং দালান সহৃদের জন্ত উচ্চ-মহে ভাড়াবিলি হত এবং এক একটা বাড়ী এক দিনের জন্ত দুইশত পাউণ্ড আড়া দেওয়া যায়।

এই সুবৈভব উৎসব উপলক্ষে ইংলণ্ডের সম্ভ্রান্ত ব্যক্তিদিগের অনেককেই অনেক উপাধি লাভ করিয়াছিলেন। উনত্রিশ জন ব্যারনেট উপাধি প্রাপ্ত হইলেন। তাঁহাদিগের মধ্যে প্রসিদ্ধ উপক্ৰাস-লেখক বুলওয়ার লিটন সাহিত্য এবং জন কেডরিক উইলিয়াম হার্শেল দর্শনশাস্ত্রের জন্ত পুরস্কৃত হইয়াছিলেন। রাজকর্মচারীদিগের সকলেও যথাযোগ্য পারিতোষিক প্রাপ্ত হইলেন।

৪ঠা সেপ্টেম্বর বেলজিয়মারিপতি রাজা লিওপোল্ড সস্রীক ইংলণ্ডে আগমন করেন। মহারাণী অনেক দিনের পর পরম হিতৈষী মাতুলের সাক্ষাৎকার-লাভে যার পর নাই সুখিনী হইলেন। তাঁহাদিগের আগমনের জন্ত আড়ম্বরের ক্রটি হয়

মাই। তাঁহারা যে কয়েক দিন ইংলণ্ডে ছিলেন, মহারানীর সহিত উইণ্ডসরের প্রাসাদে অবস্থিতি করিতেন।

দলাদলি সকল দেশে, সকল সমাজে, এবং সকল রাজ্যেই আছে; যেখানে আছে, সেইখানেই হিংসা, ঘেম, পরস্পর-কাতরতাকে সঙ্গে লইয়া থাকে। ইংলণ্ডের রাজ্যশাসনেও দলাদলি আছে। টোরী ও হুইগ দুইটী সম্প্রদায় ইংলণ্ডের নেতা। উভয় দলে বিলম্বণ টানাটানি চলিয়া থাকে। মহারাজ্যের রাজ্যাভিষেকের পূর্ব নানা দিকে নানা কথা লঠিতে লাগিল। অনেকেই বলিতে লাগিল, টোরীসম্প্রদায় মহারানীর পিতব্যগণের পক্ষ অবলম্বন করিয়া বিদ্রোহী হইবে, তাহারা মহারানীর মন্ত্রিবর্গের রাজকাণ্ড-পরিচালনে অকস্মাত্যতার কথা উল্লেখ করিয়া ভয় প্রদর্শন করিতেছে। আবার অনেকে এরূপ কথাও বলিতে লাগিল যে, মহারানী দ্বয়ং প্যাপিষ্ট \* হইবেন, প্যাপিষ্টকে বিবাহ করিবেন। আয়র্লণ্ডের সংবাদপত্র সকল এমন কথা প্রচার করিতে লাগিল যে, টোরীরা ষড়যন্ত্র করিয়া মহারানীর প্রাণ নষ্ট করিতে ও তাঁহার পিতব্য ডিউক অফ কাম্বার্লণ্ডকে সিংহাসনে বসাইবে। লাক্সমায়রের টোরীসম্প্রদায়ের কোন ব্যক্তি একটী সমারোহসভায় মহারানীর মন্ত্রিবর্গের প্রতি অতিশয় তীব্রভাষা প্রয়োগ করেন।

পাঠকবর্গ দেখিবেন, আমাদের মহারানী অতি অল্পবয়সে এই সকল প্রবল শত্রুকে বশীভূত করিয়া আপনাকে নিরাপদ করিয়াছিলেন। তাঁহার মত বুদ্ধিমতী ও দূরদর্শিনী রমণী

অতি বিরল । এই সকল আপদ-বিপদের হাত হইতে তিনি আপনাকে নিরুপদ্রব করিয়া ইংলণ্ডের সিংহাসনে অনড় অটল হইয়াছিলেন । এরূপ শত্রুসঙ্কুল অবস্থায় চিত্তের সৈম্বীয়া রক্ষা করা অল্প অধ্যবসায়ের কাজ নহে । তাঁহার অপরিমেয় বুদ্ধি, তীক্ষ্ণ বিবেচনাশক্তি, দরবণমা গাম্ভীৰ্য্য, এবং অসাধারণ প্রভাৎ-পরমতির স্রুণে তিনি পরিণামে দুর্দম শিক্ষিত শত্রুদিগেরও ভয় ও শঙ্কা আকর্ষণ করিতে সমর্থ হইয়াছিলেন । তাঁহার অসম্মা এবং তৎকালোচিত বিচারবুদ্ধির বিষয় চিন্তা করিলে বিস্ময়বশ হইতে হয়, এবং সংসারে তাঁহার জায় রমণী দ্বিতীয় কেহ ছিলেন বলিয়া হঠাৎ বিশ্বাস হয় না । তাঁহার সেই শত্রুগণ তখনও ছিলেন, তাহার পরেও ছিলেন এবং কেহ কেহ এখনও থাকিতে পারেন, কিন্তু থাকিলেও তাঁহার সাহস-বশাবৃত্ত বিম্বরের জায় অবস্থিতি করিতেছেন ।

## চতুর্থ পরিচ্ছেদ ।

বিবাহ ।

কেমিংটন প্রাসাদের নির্জনবাসকালে মহারানীকে এক দিনের তত্ত্ব বিষয়ক সন্মন্ধে কোন চিন্তা করিতে হয় নাই । তাহার পবেই এই অল্প বয়সে বিপুল রাজ্যভার স্বীয় স্বন্ধে গ্রহণ করা প্রযুক্ত শুভ পরিণয় চিন্তা করিবার অদকাশ পর্য্যন্ত

তাহার ঘটিয়া উঠে নাই। ১৮৩৬ খৃষ্টাব্দে কেলিংটন প্রাসাদে যখন কুমার আলবার্টের সহিত তাহার প্রথম সাক্ষাৎ হয়, তখন হইতে তিনি কুমারের রূপ-গুণের পক্ষপাতিনী এবং তাহার একান্ত অনুরাগিনী হইয়াছিলেন। মহারানী এক দিন তাহার মাতুল লিওপোল্ডকে একখানি পত্রে লিখিয়াছিলেন যে “সংসারে যিনি আমার প্রিয়তম হইবেন, আপনি তাহার স্বাস্থ্যের প্রতি বিলক্ষণ যত্ন লইবেন ও তাঁহাকে সাবধানে রাখিবেন।”

১৮৩৯ খৃষ্টাব্দে মহারানীর ভাবী পতি আলবার্ট বয়ঃপ্রাপ্ত য়েন। এতদুপলক্ষে কোবর্গনগরে মহাসমারোহে একটা উৎসব হয়। অক্টোবর মাসের ১০ই তারিখে স্বীয় পিতৃব্য রাজা লিওপোল্ডের একখানি পত্র লইয়া ইংলণ্ডে আগমন করেন। তাহার অগ্রজ কুমার আর্নেস্টও সঙ্গে আসিয়াছিলেন। ইংলণ্ডে আসিয়া তাহার মহাসমাদরে মহারানী কর্তৃক অভ্যর্থিত হয়েন এবং মহারাজার সহিত উইন্সরের রমণীর প্রাসাদে অবস্থিতি করেন। ১৭ই অক্টোবরে মহারানী কুমার আলবার্টের সহিত পরিণয়নৃত্রে বদ্ধ হইবার অভিপ্রায় তাহার মন্ত্রী মেলবরনকে অবগত করেন। ২৩ শে নবেম্বর তিনি প্রিভি-কৌন্সিলে এই কথা ব্যক্ত করিয়াছিলেন।

তিনি যে ঘোষণাপত্রখানি পাঠ করেন, সেই দিন তাহা মুদ্রিত হইয়া সাধারণের গোচর হয়। এই বিবাহের কথা শুনিয়া রাজ্যের ছোট বড়, ধনী নিধন, বালক বৃদ্ধ বনিতা সকলেই বার পর নাই সমুদ্র হইয়াছিল। শুভ সম্বন্ধ স্থিরীকৃত হইলে রাজকুমার আলবার্ট ও তঁহার অগ্রজ আপনাদের জন্মভূমিতে প্রত্যাগমন করেন।

মহারানী পরিণয়সূত্রে আবদ্ধ হইলে তাঁহার ভাবী পারি-  
বারিক বন্দোবস্তের নানাপ্রকার আয়োজন হইতে লাগিল।  
রাজকুমারের বার্ষিক রুতি নির্ধারণ ও তাঁহার দাসদাসী ও  
অশ্রান্ত অনুচর বর্গের নিয়োগ সম্বন্ধে বড় ধুমধাম হইতে  
আরম্ভ হইল। ১৮৭০ খৃষ্টাব্দের ১৬ ই জানুয়ারী দিবসে মহা-  
রানী মহাসভা পালেমেন্টে আপনার বিবাহ-প্রস্তাব সকলকে  
জ্ঞাত করেন। তাঁহার নিজস্বত্বে এই কথা শুনিবার জন্য সভা-  
গৃহে, তাহার চতুর্দিকে ও রাজপথে বহুলজনতা হইয়াছিল।

১৮৪০ খৃষ্টাব্দের ১৪ই জানুয়ারীতে লর্ড টেরিংটন ও জেনেরল  
গ্রে কুমার আলবার্টকে আনিবার জন্য গোথা যাত্রা করেন এবং  
পনবস্তী ১০ই ফেব্রুয়ারী শুভবিবাহের দিনস্থির হয়। কুমারকে  
ইংলণ্ডে আনয়ন করিবার পূর্বে “অর্ডার অফ দি গার্টার” উপাধি  
দিবার সনন্দও তাঁহাদিগকে দেওয়া হইয়াছিল। তাঁহারা গোথা  
নগরীতে উপস্থিত হইলে মহাসমারোহ ও সমাদরে গৃহীত  
হয়েন। ২৮শে জানুয়ারীতে কুমার আলবার্ট ইংলণ্ডীয় লর্ড  
এবং জেনেরল মহাশয়দিগের সহিত গোথা পরিত্যাগ করিয়া  
ইংলণ্ড যাত্রা করিলেন। আসিবার সময় তাঁহার পিতা ও অগ্রজ  
সঙ্গে ছিলেন। যে দিন রাজকুমার গোথা পরিত্যাগ করেন,  
সে দিন গোথানিবাসী সকলেই কুমারের বিদায়ের ষার পর নাই  
ছুঃখিত হইয়া তাঁহাকে দেখিবার জন্য উপস্থিত হয়। গোথা  
নগরের রাজপথে, অটালিকার ছাশে, গবাক্ষে মস্তকের উপর  
মস্তক, সকলেরই আগ্রহ কুমার আলবার্টকে দেখিবে। ৬ই  
ফেব্রুয়ারী দিবসে তাঁহারা ইংলণ্ডের “ডোবার” নগরে পৌঁছিয়া  
ডব্রডা “ইয়র্ক” নামক হোটেলে রাজি বাসন করেন। পরদিন

“ক্যাটাবরীতে” অবস্থিতি করিয়া এই লণ্ডননগরে উপস্থিত হয়েন। তাঁহারা বখন সেখান দিয়া আসিয়াছিলেন, সেই-  
খানকার লোকেরাই মহান্ আনন্দোৎসবে ভাসমান হইয়া  
তাঁহাদিগকে দর্শন করিবার জন্য সমবেত হইয়াছিল।

এই ফেব্রুয়ারী রবিবার দিন রাজপুত্র আলবার্ট ও মহারানী  
একত্রে লণ্ডননগরের পুরোহিতের সহিত উপাসনাকার্য্য সমাধা  
করিয়াছিলেন। এই দিবস রাজকুমার তদীয় সহধর্ম্মিণীকে  
বৈবাহিক উপহাররূপ হীরক এবং নীলপ্রান্তরপ্রস্থিত একটি  
কণ্ঠভরণ প্রদান করিলেন মহারাজ্ঞীও তদ্বিনিময়ে কুমারকে হীরক-  
ময় গাটার, বস্ফোভূষণ সুবর্ণতারকা, এবং সম্মানস্ফূটক পদক  
একধাষি অর্পণ করেন।

১৮৮০ খৃষ্টাব্দের ৯ ই ফেব্রুয়ারীর রজনী প্রভাত হইল।  
ইংলণ্ডের প্রধানমন্ত্রীর রাজপরিজনদিগের উদ্বাহকার্য্য বেলাপ-  
রাহ্নে সম্পন্ন হইত। কিন্তু মহারানীর শুভবিবাহ দিবা দুই এক  
ঘটিকার সময় হইবে বলিয়া ঘোষিত হইয়াছিল। যদিও প্রভাত  
হইবামাত্র লণ্ডননগর ও তাহার চতুঃপার্শ্ববর্তী নানা স্থান হইতে  
সহস্র সহস্র লোক আসিয়া বকিংহাম প্রাসাদ হইতে সেন্ট  
জেমস প্রাসাদ পর্য্যন্ত সমুদায় রাজপথটী পরিপূর্ণ করিয়া  
কেনিল; তিল ফেলিবার স্থান রহিল না। পশ্চিমপার্শ্বে বাড়ীর ছাদ,  
বারাণ্ডা, দালান, গবাক্ষ, যে যেখানে পাইল দণ্ডায়মান হইল।  
এই সকল স্থানে এক এক জনকে লাড়াইবার জন্য পাঁচ মিলি:  
(আড়াই টাকা) ভাড়া দিতে হইল। যাহাদিগের অর্থব্যয়  
করিবার ক্ষমতা ছিল না, তাহারা বৃক্ষে আরোহণ করিল।  
সমুদ্রতীরে বৃক্ষশাখা সকল ভস্মিয়বর্তী দর্শকদিগের শিবসম্পর্শ

করিতে লাগিল। অদ্ভুত জনতা এমন কেহ কখন দেখে নাই। নির্দিষ্ট সময়ে লণ্ডনস্থ সেট জেম্‌স প্রাসাদে মহাডম্বরে মহারাণীর পরিণয়কার্য্য সমাপ্ত হইল। অনন্তর নব দম্পতি বাকিংহাম প্রাসাদে প্রত্যাগমন করিয়া আশ্রয় স্বজন ও বন্ধু-বান্ধবে মিলিত হইয়া সমারোহের সহিত আহারাদি করিলেন।

অদ্য প্রাতঃকালে আকাশমণ্ডল মেঘ-বৃষ্টি ও কুজ্‌ঘটিকাতে অন্ধকারায় হইয়াছিল। রাজদম্পতি পরিণীতা হইয়া উপাসনানন্দির হইতে প্রত্যাগমন করিলে পর আকাশের সেই বিকৃত ভাব তিরোহিত হয় এবং দিবা চারিটার সময় মেঘযুক্ত দিবাকর সুবর্ণময় কিরণজাল বিস্তার করিয়া যেন জগজ্জনকে আরতি করেন যে, মহারাণীর বিপদ-বারিদ বিনষ্ট হইয়া সুখের দিন আসিল। এক্ষণকার প্রাকৃতিক সৌন্দর্য্য, আকাশের নির্মলতা এবং বায়ুর অস্বাভাবিক ইংলণ্ডীয়দিগের ক্ষদয়ে চিরমুগ্ধতা রক্ষা করিয়াছে। এতদ্বারা মহারাজার ভাগ্যসম্বন্ধে সাধারণের এক বিশ্বাস জন্মিয়াছিল যে, তিনি ঈশ্বর কর্তৃক মৌভাগ্য-সুখে সুখিনী হইতে পারিবেন। একত্রে আজিকার আবহাওয়াকে তাঁহার রাজ্যসমীর বা “কুইন্স ওয়েদার” বলিয়া থাকেন।

বিবাহের পর কয়েক দিন রাজপরিবার মধ্যে যার পর নাই আনন্দোৎসব ও মহা সুখধামে ভোজ, নাচ, ভাসা চলিতে লাগিল। তাহার পর কিছুদিন পরিত্যক্ত হইতে অতিনন্দন ও প্রকৃতিবর্গের সম্রাট পুর্নক পত্রাদি সমাগত হইতে থাকিল। সভাসমিতি আহূত হইয়া নানা প্রকার কার্য্যের অনুষ্ঠান চলিল। আনন্দের সীমা নাই। ব্রিটন দ্বীপের চতুর্দিকবর্তী



জলরাশি যেমন মহান্ আনন্দময় হইয়া সমস্ত দ্বীপরাজ্যকে নাচাইতে লাগিল ।

বিবাহের পর কুমার আলবার্ট মহারানীর সহিত ইংলণ্ডে অবস্থিতি করিতে লাগিলেন ।

## পঞ্চম পরিচ্ছেদ ।

### সংসার ।

পরিণয়স্থলে আবদ্ধ হইয়া আমাদের মহারানী যেমন প্রকৃত সংসারিণী হইলেন তেমনি তিনি উদয়-রাজ্যভার-বহনের এক জন উপযুক্ত সহকারী প্রাপ্ত হইয়াছিলেন । কারণ কুমার আলবার্ট বিশেষ সুশিক্ষিত, বিনেচক, বুদ্ধিমান এবং সুদূরদর্শী পুরুষ ছিলেন । বিবাহের পর কিছুদিন কুমার আলবার্ট প্রকাশ্য ভাবে, রাজকার্য্যে হস্তার্পণ করিতেন না । কিন্তু রাজকার্য্য-পরিচালনে যাহা কিছু সাহায্যের প্রয়োজন হইত তাহার জন্য মহারানীর কোন অভাব হইত না ।

তাহার পর মহারানী আপন নন্দী লর্ড মেলবরগের সহিত পরামর্শানুসারে স্বামীকে সমস্ত বৈদেশিক কার্য্যের ভারার্পণ করিয়াছিলেন । রাজকার্য্যে হস্তার্পণ করিবার কিছুদিনমধ্যেই কুমার আপনাকে বেশ সুদৃঢ় করিয়া লইয়াছিলেন । মহারানী বেশ বুদ্ধিতে পারিলেন যে যাবতীয় গুরুতর-প্রশ্ন-মীমাংসায় তাহার স্বামীই একমাত্র অবলম্বন ।

প্রথমতঃ দিনকডক রাজকুমার আলবার্টের শারীরিক স্বাস্থ্য কিকিং বিকৃত হইয়াছিল। ইংলণ্ডের জল বায়ু তাঁহার পক্ষে সম্পূর্ণ নূতন, তাহার উপর বিবাহের পর ভোজ ও নাট্যমোদ জন্ম রাত্রিজাগরণই তাহার প্রধান কারণ। ১৮৪০ খৃষ্টাব্দের “ইষ্টার” পক্ষ উইওসর প্রাসাদে অতিবাহিত হইল। ২০শে এপ্রিল সোমবার দিন আকস্মিক রাজপুত্রের এক দুর্ঘটনা সংঘটিত হয়। তিনি অপরোহণে ভ্রমণ করিতে করিতে পতিত হইয়া আঘাত প্রাপ্ত হইয়াছিলেন। সৌভাগ্যক্রমে আঘাত ততটা সাংঘাতিক হয় নাই। এই দুর্ঘটনায় মহারাণী যার পর নাই কাতরা হইয়াছিলেন। তিনি বলিয়াছিলেন “আমার প্রিয়তম অতুল ও জীবনের অমূল্যধন স্বামী যে বিপদে পড়িয়াছেন তাই ভাবিয়া আমি অস্থির হইতেছি।”

জন্মাবধি আমাদের মহারাণী কখন তাঁহার মাতার নিকট হইতে পৃথক অবস্থিতি করিতেন না, এবং ইংলণ্ডে গমনাবধি ডচেশ্ কেট মহোদয়াও কখনও একাকিনী থাকিতেন না, সর্বদাই কন্যাকে নিকটে রাখিতেন। মহারাণীর বিবাহের পর তাঁহার মাতার পৃথক বাসস্থানের প্রয়োজন হইল। ১৩ই এপ্রিল “বেলগ্রেড স্টোরারের” “ইন্সটিটিউট” গৃহে তাঁহার বাসস্থান নির্দিষ্ট হয়। কিন্তু তিনি দুসন্ধ্যা দুবেলা কন্যার সহিত একত্রে আহার করিতেন। তিনি যেমন অপত্যস্নেহের একান্ত বশবর্তিনী, কন্যাও তেমনি মাতৃভক্তিমতী। একান্ত তাঁহারা সর্বদাই দেখা-সাক্ষাৎ ও আহার-বিহার করিতেন।

১০ই জুন দিন বৈকালে মহারাণী স্বামীর সহিত একথানি স্কিটনে আরোহণ করিয়া যখন কম্টিউসন হলের নিকট দিয়া

## ৪০. ভারতেশ্বরী ভিক্টোরিয়া ।

রাইতৈছিলেন তখন “এডওয়ার্ড অক্সফোর্ড” নামক জনৈক হুয়াঙ্গা মহারাণীর জীবন-হানির চেষ্টায় তাঁহাকে লক্ষ্য করিয়া একটি গুলি নিক্ষেপ করে। সৌভাগ্যক্রমে সেই গুলি তাঁহার অঙ্গ স্পর্শ করিতে পারে নাই। হঠাৎ বন্দুকের শব্দ হইবামাত্র তাঁহার স্বামী তাঁহার হস্ত ধারণ করিয়া দ্বিজ্ঞাসা করেন, তাঁহার ভয় হইয়াছে কি না। তাহাতে তিনি ঈষৎ হাস্য করেন। লক্ষ্য ভ্রষ্ট হইল দেখিয়া পাশিষ্ঠ অক্সফোর্ড আবার একটি গুলি নিক্ষেপ করে, কিন্তু ঈশ্বর আমাদের মহারাণীর সহায়, হুতরাং তাহাও ব্যর্থ হইল। এবারে মহারাণী স্বামীর অন্তরালে বসিয়া পড়িলেন, গুলিটা অপর দিকে গিয়া একটি দেওয়ালের গায়ে লাগে। এই ঘটনা দেখিয়া চতুর্দিকস্থ ব্যক্তিগণ পাপাত্মা অক্সফোর্ডকে গ্রেপ্তার করে এবং তাঁহার নিরাপদে ডেচেশ্ কেণ্ট মহোদয়ার সমীপে উপস্থিত করেন। এডওয়ার্ড অক্সফোর্ডের বয়স সপ্তদশবর্ষমাত্র। সে একটা সামান্য পান্থবাসের পরিচারক। গ্রেপ্তার হইয়া সে আপনি উন্মাদগ্রস্ত এরূপ পরিচয় দেয়, কিন্তু বাস্তবিক সে প্রকৃতিস্থ ছিল। তাহাকে বাবজীবনের জন্ত বাতুলাগ্রয়ে রাখিবার আদেশ হয়। এই সংবাদ রাজ্যমধ্যে প্রচারিত হইলে মহারাণীর প্রজাগণ যৎপরো-নাতি দুঃখিত হইয়াছিলেন এবং ঈশ্বর যে প্রসন্ন হইয়া তাঁহার জীবন রক্ষা করিয়াছেন, তজ্জন্ত তাঁহার নিকট কৃতজ্ঞতা প্রকাশ করেন।

কুমার আলবার্ট অতিশয় চিত্র ও সঙ্গীতামোদ-প্রিয় ছিলেন, এজন্য এই দুই চিত্তরঞ্জন কার্যে অবকাশকালের অধিকাংশ কেপণ করিতে ভাল বাসিতেন। যে দিন হুয়াঙ্গা অক্সফোর্ড

মহারাজার প্রতি গুলি নিষ্ক্ষেপ করিয়া তাঁহার প্রাণনাশের উদ্যম করে, সেই দিন হইতে সকলেরই মত হয় যে, যদি বিধি-বিড়ম্বনায় অকস্মাৎ তাঁহার মৃত্যু হয়, তবে ইংলণ্ডের সিংহাসন লইয়া একটা মহা হলশুল পড়িবে। অতএব ঈশ্বর না করুন—যদিই ইংলণ্ডের দূরদৃষ্টক্রমে একপ দুর্ঘটনা ঘটে, তবে পূর্ন হইতে তাহার জন্য একটা ব্যবস্থা করিয়া রাখা ভাল, এই বিবেচনায় লর্ড মেলবরগ, ডিউক ওয়েলিংটন, সার বন্নাট পীল ও রক্ষণশীল দলের অন্যান্য সভাগণ একত্রিত হইয়া পরামর্শ স্থির করেন যে, মহারাজার অবর্তমানে কুমার আলবার্টই সর্বপ্রত্যয়ে ইংলণ্ডের সিংহাসনের যোগ্য এবং তাঁহাকেই তাৎপরে অভিষিক্ত করা হইবে। তদনুসারে একখানি আইনের পাণ্ডুলিপি প্রস্তুত হইয়া প্যারলিমেণ্ট মহাসভায় উপস্থিত করিলে মহারাজার যুগান্ত সময়ে লর্ড ডিউক ব্যতীত সকলেই তাহার অগ্রদূত অভিষিক্ত প্রকাশ করেন। কিন্তু মহারাজার গুপ্তচাতুর্যের কোন মতে এমন ইচ্ছা ছিল না যে, ইংলণ্ডের রাজ্যমণ্ডল ততীত জর্জের পুত্র-পৌত্রগণের স্বত্বলোপ হয়। কিন্তু তিনি একাকী কি করিতে পারেন, যখন সকল সভ্যই একমত হইলেন, তখন তাঁহার সমস্ত চেষ্টা বিফল হইল। ইহাতেই বুঝা যাইতেছে যে, প্রিন্স আলবার্ট ইংলণ্ডের প্রজাতির নৈতিকতার প্রিয় হইয়া উঠিয়াছিলেন। তিনি নৈরূপ সঙ্গাণ, সচ্চরিত্র ও শিষ্টাচারসম্পন্ন ছিলেন, তাহাতে এমন পান্ডাও কেহই নাই তাঁহাকে ভক্তি-প্রদা না করিবে বা ভালবাসিতে অনিচ্ছুক হইবে। লোকরঞ্জন তাঁহার জীবনের প্রধান ব্রত ছিল। তজ্জন্য তাঁহাকে অনেক সময় স্বার্থহানি পর্যন্ত করিতে হইত।

তাহাতেও তিনি কুণ্ঠিত ছিলেন না। রাজকাৰ্য্য হইতে অল্প-মাত্র অবকাশ পাইলেই তিনি কৃষি, শিল্প ও বিজ্ঞান বিদ্যালয়ে উপস্থিত হইয়া ছাত্রগণের বিদ্যাশিক্ষার তত্ত্বাবধারণ করিতেন। কি উপায় অবলম্বন করিলে স্থপতি ও শ্রামিক লোকদিগের স্বাস্থ্য ও মানসিক উন্নতি সাধিত হইবে, তাহার জন্ত বিশেষ চেষ্টা করিতেন। সাধারণের হিতানুষ্ঠানের জন্ত তাঁহাকে মহানগরীর নানাস্থানে পদব্রজে ভ্রমণ করিতে দেখা যাইত।

১১ই আগষ্ট দিবসে তিনি প্রথম পার্লামেন্ট সভায় উপস্থিত হইয়া মহারানীর সিংহাসনের অভিনিকটেই আপনাত্মক আসন গ্রহণ করেন। সমস্তের ডিউক মহোদয় ব্যতীত ইহা দেখিয়া সকলেই সাতিনয় আনন্দ লাভ করিয়াছিলেন। এই বৎসর ২৭ শে আগষ্ট প্রিন্স অ্যালবার্টের জন্মদিন উপলক্ষে লণ্ডন নগরী প্রথম আলোকমালায় বিভূষিত এবং নানাপ্রকার আনন্দোৎসবে পরিপূর্ণ হয়। ১১ই সেপ্টেম্বরে তিনি প্রতি কৌন্সিলের একজন সভ্য নিযুক্ত হইলেন।

আজি কালি আমাদের মহারানীর দৈনিক কাজ-কর্ম্ম এবং জীবনযাত্রা নির্বাহসম্বন্ধে সাংসারিক কয়েকটা কথা বলিব। তাঁহারা স্ত্রী-পুরুষে প্রাতে শয্যা ত্যাগ করিয়া নরটার সময় কিঞ্চিৎ জলযোগ করিতেন; জলযোগের পর উভয়ে একবার বেড়াইতে যাইতেন, তাহার পরে রাজকাৰ্য্য নির্বাহ করিতেন, রাজকাৰ্য্য সমাপিত হইলে কিয়ৎ কাল চিত্র ও সুড়াকাৰ্য্যে সময়ক্ষেপ করিতেন, দিবা দুইটার সময় অল্পপরিমাণ আহার করিতেন। বৈকালে মন্ত্রিপ্ৰবর লর্ড মেলবরন মহারানীর সহিত সাক্ষাৎ করিতে আসিতেন; রাজকাৰ্য্যসম্বন্ধে কোন কথা-

বার্তা কহিবার প্রয়োজন হইলে, এই সময় তাহা হইত। বেলা পাঁচটার সময় মহারাণী স্বামীর সহিত একখানি ফিটনে আরোহণ করিয়া বেড়াইতে বাহির হইতেন। যদি কোন দিন রাজ-কুমার অস্বারোহণে বাইতেন, তাহা হইলে মহারাজার মাতা কিম্বা অন্য কোন লর্ড-ললনা তাঁহার সঙ্গে গাড়ীতে বাইতেন। বৈকাল-ভ্রমণের পর প্রাসাদে আসিয়া কুমার আল্‌বাট সন্ধ্যাকালে দাখা খেলিতেন, এই খেলায় তিনি বিলক্ষণ পারদর্শী ছিলেন। দাবাখেলায় পর মহারাণীর স্বামী তাঁহাকে নানা পুস্তক পাঠ করিয়া শুনাইতেন; তাহার পর তাঁহারা আহার করিয়া নিদ্রা বাইতেন।

কুমার আল্‌বাট দেশ ভ্রমণে ও স্বাভাবিক-সৌন্দর্য্য-দর্শনে স্বভাবতঃ অনুরক্ত ছিলেন। একজ্ঞা তিনি ক্যারেমণ্ট ও তাহার নিকটবর্তী পলী সকলে সন্দর্ভাই ভ্রমণ করিতে বড় ভালবাসিতেন। কুমারের সহবাসে মহারাণীও ভ্রমণঃ তাঁহার কুটির অংশভাগিনী হইতে থাকেন; এমন কি পল্লীবাসে এতই তাঁহার অনুরাগ জন্মে যে, তিনি আপনার দৈনিক বিবরণের এক স্থানে উল্লেখ করিয়াছিলেন যে “যে স্বামী আমার ইহ জীবনের একমাত্র পুঞ্জনীয় বন্ধু, যিনি আমার সকল সর্কা, তাঁহার সহিত অবস্থানে নিম্নল, আশ্রিত্য পল্লীবাসের সাপেক্ষে স্থল লগনের আমোদ আহ্লাদ অপেক্ষা দীর্ঘস্থায়ী।” যত দিন যাইতে লাগিল তাঁহার পল্লীবাসেচ্ছা ততই বলবতী হইতে লাগিল। ক্রমে লগনবাস অপ্রীতিকর হইয়া উঠিল।

১৮৩০ খৃষ্টাব্দের ২১শে নবেম্বর মহারাণীর জ্যেষ্ঠা কন্যা লগনের বকিংহাম প্রাসাদে ভূমিষ্ঠা হইলেন। প্রসবকালে মহারাণীর

কোন কষ্টই হয় নাই। যৎকালে তিনি স্মৃতিকাগারে অবস্থিতি করিতেন, প্রিন্স আলবার্ট সর্বদাই তাঁহার নিকটে থাকিয়া শুভ্র-বাদি করাইতেন এবং যাবতীয় রাজকাৰ্য্য আপনি নিৰ্ব্বাহ করিতেন। মহারাজ্ঞী কিঞ্চিৎ সুস্থ হইলে তাঁহার উইণ্ডসর প্রাসাদে গমন করেন। তাঁহাদের উভয়েরই আশা ছিল, পুত্রসন্তান জন্ম-বেন, কিন্তু কত্না হওয়ায় যেন একটু ক্ষুণ্ণ হইয়াছিলেন। এই আশা সকল পিতা মাতারই স্বাভাবিকী; সুতরাং তাঁহাদিগের সম্বন্ধে এই স্বাভাবিক নিয়মের ব্যভিচার সম্পূর্ণ অসম্ভব। ষ্টেটের জন্মোৎসব তাঁহাদের উইণ্ডসর প্রাসাদেই সম্পন্ন হইয়াছিল।

রাজকুমারী জন্মিষ্ঠ হইবামাত্ৰ ব্যারন ষ্টক মারের পরামর্শানু-সারে তাঁহার জন্ম উপস্থান দাবী নিযুক্ত করা হইয়াছিল। কারণ ব্যারন মহাশয় বলিতেন “জীবনের প্রথম দিন হঠাৎই শিশু আরুহ হয়, দাবীই জন্মনিবন্ধন, অতএব সৰ্ব্বাগ্রে উপস্থান ও শিশুশ্রীতা দাবী নিয়োগ বাঞ্ছনীয়।” ১০ই ফেব্রুয়ারী মহারাজ্ঞীর জিবারের বৎসরিক দিন। ১৮৪১ খৃষ্টাব্দের সেই দিনে বকিংহাম প্রাসাদে অভিনব রাজনন্দিনীর নামকরণ ও ষষ্টদশে দীক্ষা হয়। তাঁহার নাম “ভিক্টোরিয়া এডেলড মেরী লুইসা” রাখা হইল। ইনিই এক্ষণে জগদ্বীর রাজবধূ হইয়াছেন।

সীতকালে মৌদমালাভূষিত ইংলণ্ডভূমি ঘনতর-ভূষারচ্ছন্ন হয়; পথ, ঘাট, মাঠ, গ্রাম, পল্লী, জলাশয় বরকরাশিতে ধপ্ ধপ্ কুরিতে থাকে, আকাশে সূর্যদেব ভূষারাত্তর থাকেন, যেন সেগীর থালা সালা চাদরে ঢাকা বলিয়া বোধ হয়। এই সময় ভূষারচ্ছন্ন জলাশয়ের উপর ইংলণ্ডবাসিগণ মহানন্দে স্বেচীন ক্রীড়া করিয়া থাকেন। রাজকুমারীর দীক্ষার

পূর্ব দিনে তাঁহার পিতা বকিংহাম প্রাসাদ সংলগ্ন জলাশয়ের উপর ক্রীড়া করিতে করিতে অসাবধানতাপ্রযুক্ত জলমগ্ন হইলেন। তৎকালে মহারানী তথায় উপস্থিত ছিলেন, স্বামীর বিপদদর্শনে অত্যন্ত ভীত হইয়াছিলেন; কিন্তু তাঁহারই প্রত্যাশমতীতবলে প্রিন্স আলবার্টের জীবনরক্ষা হইয়াছিল।

## ষষ্ঠ পরিচ্ছেদ ।

### প্রাণনাশের উদ্যোগ ।

এই বৎসর মহারানী প্রিন্স আলবার্টের সহিত রাজ্যের নানা স্থান পরিভ্রমণ করেন। নুনেহাম, অক্সফোর্ড, অবরণ আবি, পান সান্ডর, ব্রকেট হল, এবং হার্টফিল্ড নামক স্থানে উপস্থিত হইয়া তাঁহারা তত্রত্য প্রকৃতিপুঞ্জের আনন্দ বর্দ্ধন করিয়াছিলেন। তাঁহারা যখন যে স্থান দিয়া যে যে স্থানে উপস্থিত হইয়াছিলেন, সেই সেই স্থানের প্রজাগণ মহান্ আনন্দ ও সমারোহে তাঁহাদিগকে অভিবাদন করিয়াছিল।

যে মাসের শেষভাগে মহারানীর জননী ডচেশ্ কেণ্ট মহোদয়ী আপনার জন্মভূমি দর্শন করিবার জন্য জঁর্জটো গমন করেন। ১৮১৯ খৃষ্টাব্দে বিপুল-বিখ্যাত-নারী কস্তা



ভিক্টোরিয়াকে জঠরে ধারণ করিয়া যে তিনি ইংলণ্ডে প্রবেশ করেন, তাহ্নর পর এই তাঁহার ইংলণ্ডের বাহিরে পদার্পণ হইল। তিনি ব্যাভেরিয়া প্রদেশের “অমরবচ” প্রাসাদ হইতে ৭ই জুন দিবসে আপনার কন্যাকে যে পত্রখানি লিখিয়া ছিলেন, সেখানি পাঠ করিয়া জগতের আশ্চর্য্য পরিবর্তনীয়তা এবং সুখের অবস্থায় অতীত দুঃখের স্মৃতি যে কতটা মনোহরী হয়, তাহা চিন্তা করিলে মন কেমন পুলকিত হইয়া থাকে, তাহাই দেখাইবার জন্য আমরা সেই পত্রখানির অবিকল অনুবাদ নিম্নে উদ্ধৃত করিতেছি ;—

“তোমাকে যে আমি এখান হইতে এই পত্রখানি লিখিতেছি তাহা আমার স্বপ্নবৎ বোধ হইতেছে। এক্ষণে আমার মন বড় আবেগপূর্ণ। তোমার আল্‌বার্টের এবং অমূল্য নিধি স্নেহ কন্যাটির চিন্তায় মন সর্বদা নিবিষ্ট। এখানকার দরিদ্র প্রজালোকের সাদর সম্বর্দ্ধনায় আমি সম্পূর্ণরূপে মুগ্ধ হইয়াছি, এবং তাহাদিগের পবিত্র প্রীতি ও কৃতজ্ঞতার প্রচুর প্রমাণ প্রাপ্ত হইতেছি। এই স্নেহ হানটির সর্বত্র কোলাহলময়। তোমার প্রিয় পিতা যে গৃহে বাস করিতেন, আমি তাহাতে অবস্থিতি করিতেছি। চাল শ \* আমার জন্য অল্প একটী সুন্দর গৃহ সম্বিষ্ট করিয়া রাখিয়াছিলেন। তিনি বাড়ীটির অনেক

মহারানীর মাতা ডেচশ্‌ কেণ্ট মহোদয় প্রথমভঃ ব্যাভেরিয়ার অন্তর্গত লিনিমেনের রাজকুমারকে বিনাহ করেন, তাঁহার ঔরষে মহারানীর মাতার একটী পুত্র ও কন্যা জন্মগ্রহণ করিয়া ছিলেন। পুত্রটির নাম চাল শ। তিনিই এক্ষণে লিনিমেনের অধিকারী হইয়া অমরবচের প্রাসাদে অবস্থিতি করিতেছিলেন।

পরিবর্তন করিয়াছেন। ১৮১৯ খৃষ্টাব্দের মার্চ মাসে যখন আমরা এখান হইতে চলিয়া যাই, তখন তোমার পিতা সেই সকল সংস্কারকার্য্য আরম্ভ করিয়াছিলেন।”

১৮৪১ খৃষ্টাব্দের ১ই নবেম্বর দিবসে ইংলণ্ডেরী ও তাঁহার বানী ইহ সংসারের এক নূতন সুখের মুখ দর্শন করেন। সুন্দরী আশা মৃতিমতী হইয়া তাঁহাদিগকে সাক্ষাৎ দিল এবং হস্তে জয়পতাকা, শিরে বিজয়মুকুট ধারণ করিয়া তাঁহাদের হৃদয়-ক্ষেত্র অধিকার করিল,—মহারাজ্যীর জ্যেষ্ঠ পুত্র প্রিন্স অফ ওয়েল্‌স বকিংহাম প্রাসাদে ভূমিষ্ঠ হইলেন। এবারেও প্রসবান্তে মহারাণীর কোন কষ্ট হয় নাই। ৬ই ডিসেম্বরে মহারাণী ইংলণ্ড হইতে উইণ্ডসর প্রাসাদে গমন করেন। রাজপরিবারদিগের দীক্ষা ও নামকরণাদি পূর্বে রাজপ্রাসাদেই সম্পন্ন হইত, কিন্তু ইংলণ্ডের এই ভাবী ভূপতির সম্বন্ধে পৃথক্ বন্দোবস্ত হইয়াছিল। উইণ্ডসরস্থ সেন্ট জর্জের উপাসনা-মন্দির এই কার্য্যের জন্য মনোনীত করা হয়। ২৫শে জানুয়ারী দিবা ১০টার সময় বিশেষ সমারোহ ও আড়ম্বরের সহিত শুভকার্য্য সমাধা হইয়াছিল। প্রিন্সয়ার অধিপতি ফেডরিক উইলিয়ম এই উৎসবে উপস্থিত থাকিয়া দীক্ষাকালে প্রতিভূত সম্পাদন করিয়াছিলেন। নব-কুমারের নাম আলবার্ট এডওয়ার্ড রাখা করা হইল।

এই বৎসর প্রিন্স আলবার্টের অগ্রজ কুমার আর্নেস্টের শুভ পরিণয়ক্রিয়া সম্পন্ন হয়। কিন্তু এই সময়ে ইংলণ্ডের এবং বিদেশাদিকৃত রাজ্যের অবস্থা এতদূর কটিল ও বিশৃঙ্খল হইয়া উঠে যে, প্রিন্স আলবার্ট অগ্রজের পরিণয়োৎসবে উপস্থিত হইতে অসমর্থ হইলেন। ইংলণ্ডে নানাপ্রকার ওততর রাজ-

নৈতিক প্রশ্ন উপস্থিত হয়। রাজ্যমধ্যে অমজীবীদিগের কার্যের অপ্রভুলতা, রক্তনের অল্পতা, খাদ্যদ্রব্যের মহার্ঘতা এবং তদ্ব্যতীত শিল্পপ্রধান স্থানসকলের বিপুল ক্রেশের সংবাদে গবর্ণমেন্টের প্রগাঢ় উদ্বেগ উৎপাদন করিয়াছিল। এই বিভীষিকা সকল নিবারণের জন্য মহারাজীকে নানা প্রকার অনুষ্ঠান করিতে হয়। আবার এই সময়েই চীনদেশে ভীষণ সমর সংঘটন ও আফগানস্থানে ব্রিটিশ সৈন্য যার পর নাই ক্লিষ্টাপন্ন হওয়ার সংবাদ আইসে। দয়্যাবতী মহারাজী আপনার জ্ঞানাদিগের দারিদ্র্যদুঃখের জন্য অতিশয় দুঃখিত্তাময় থাকিতেম, এবং তাহার প্রতিকারের জন্য আপনার সুখ-শান্তি পরিত্যাগ করিয়া সতত তাহার বিহিত উপায় চিন্তা করিতেম। যাহা হউক মহারাজীর সৌভাগ্যবশে ও তাঁহার গুণপ্রতাপে সে সকল অত্যাশঙ্কিত নিবৃত্তি পাইয়াছিল।

এই দুর্কালসরে দারুণ দুঃখিত্তার সময় ফ্রান্সিনামান্দা আর এক ছরান্দা মহারাজীর অমূল্য জীবনরত্ন অপহরণের প্রয়াস পাইয়াছিল। ২৯শে মে রবিবার দিবা দুই প্রহরের সময় তিনি প্রিন্স আলবার্টের সহিত সেন্ট জেম্স প্রাসাদের উপাসনামন্দির হইতে আগিতেছিলেন। ষ্টাফোর্ড হাউসের নিকটে রাস্তা-দর্শনপিসাফ প্রকৃতিকূলের জনতা মধ্য হইতে দুর্ভাগি ফ্রান্সিস পিল্ডলে গুলি নিক্ষেপ করে। ঈশ্বরানুগ্রহে এবারেও তাঁহার একগাছি কেশেরও হানি হয় নাই। পুলিশ তাহাকে ধৃত করিয়া বিচারালয়ে পাঠাইয়া দেয়। ১৭ই জুনে তাহার প্রাণ-হত্যার আজ্ঞা হয়। আহা আমাদের মহারাজীর মনের কি অসীম উদ্বেগ, অতুল মহত্ব,—তাঁহার করুণ হৃদয় প্রজার দুঃখে গলিয়া গেল। তিনি ফ্রান্সিসের জীবনরক্ষার ইচ্ছা প্রকাশ করিলেন।

ক্লিন্স বাঁচিয়া গেল, কিন্তু পাপের আয়শিত্ত হইল ; এমন অসাধারণ গুণবতী রাণীর রাজ্য হইতে চিরজীবনের জন্য নির্কাসিত হইল ।

যে দিন পাপমতি ক্লিন্সের নির্কাসনাজ্ঞা প্রচারিত হয়, সেই দিনেই “বীন” নামক আর এক নরকুলকলঙ্ক আবার মহারাণীর প্রতি গুলি-চালনা করে । ঈশ্বর যাহার সহায়, মনুষ্যে তাঁহার কি করিতে পারে ? করুণানিধান মঙ্গলময় ঈশ্বর এবারেও তাঁহার পবিত্র জীবন বিষয়বিহীন করিয়াছিলেন । রাজমন্ত্রী সার রবার্ট গীল এই সময়ে কেম্ব্রিজে অবস্থিতি করিতেছিলেন । এই সংবাদ প্রাপ্তিমাত্র তিনি ব্যাকুলহৃদয়ে রাজধানীতে আসিয়া মহারানীর সহিত সাক্ষাৎ করেন । দারুণ দুঃখিত্তার পর মহারাণীকে নিরাপদে দেখিয়া সুখাতিশয্য হেতু মজ্জিবর আপনার স্বাস্থ্যবিধি আশ্বসংঘমতা রক্ষায় অসমর্থ হইয়া অত্রদারায় হৃদয় প্রাবিত করিলেন । আদালতের বিচারে বীনকে ১৮ মাস কঠিন শ্রম সহ কারাবদ্ধ করা হয় ।

জুলাই নামে মহারাণী স্বামীকে সঙ্গে লইয়া স্কটলওদেশে যাত্রা করেন । সেখানকার প্রজারা নানাপ্রকার গোলযোগ ঘটাইয়া অবাধ্যতার সূত্রপাত করিয়াছিল । মহারাণীর পদার্পণে সকলই মিটিয়া গেল । প্রকৃতির যুক্তহস্ততার পরিচয়ে ও স্কটলও-ডুমি-সন্দর্শনে প্রিন্স আলবার্ট বিমুগ্ধ হইয়াছিলেন । ২৩ শে নবেম্বর ওয়েস্টার কাশলে অবস্থিতিকালে মহারাণী চীনদেশে শান্তি এবং আফগানস্থান পুনর্জয়ের সংবাদ পাইয়া ভারতীয় ও চীনদেশীয় সৈন্তদ্বয়ের মধ্যে পুরুষারবরণ, কতকগুলি পদক বিতরণের আজ্ঞা দেন ।

১৮৪০ খৃষ্টাব্দের ২৪ শে এপ্রিল মহারাজ্ঞীর দ্বিতীয়া কন্যা “এলিশ মডমুরো” জন্মগ্রহণ করেন। ২রা জুনে তাঁহার দীক্ষা ও নামকরণ হয়। এই বৎসর ১লা জুলাই ওয়েস্ট মিনিষ্টার হলে মহাঈশ্বরে একটি চিত্রপ্রদর্শনী উন্মোচিত হইয়াছিল। নানাবিশেষবস্ত্রী সহস্র সহস্র ব্যক্তি কোতূহল-প্রদীপ্ত হইয়া এই প্রদর্শনী দর্শনার্থ উপস্থিত হয়। চিত্রকরগণ পারদর্শিতানুসারে বহুল-পুরস্কার-লাভে যথেষ্ট উৎসাহ লাভ করে।

বহু দিন হইতে মহারাজ্ঞী ইচ্ছা ছিল যে, তিনি ক্রাঙ্গের রাজা লুই ফিলিপ ও তদীয় শগবতী মহিষীর সহিত সাক্ষাৎ করিয়া ফরাসীরাজ্য এবং তদুভয় রাজবংশের সহিত সখ্যতা স্থাপিত করেন। ফরাসীরাজ মহারাজ্ঞীর পিতৃবন্ধু, এবং তাঁহার মাতুলানী কুমারী লুইসা ক্রাঙ্গরাজ-দুহিতা ছিলেন। এই সম্বন্ধে উভয় রাজবংশে বিশেষ অনুরক্ততা জন্মিয়াছিল। মহারাজ্ঞী বহুদিবসের বাসনা চরিতার্থ করিবার জন্য প্রিন্স আলবার্টের সহিত ১৮৪০ খৃষ্টাব্দের ২৮ শে আগষ্ট “ভিক্টোরিয়া ও আলবার্ট” নামক নূতন বাষ্পীয় পোতে সাউনাম্পটন নগর হইতে যাত্রা করিয়া ২রা সেপ্টেম্বর ফরাসীরাজ্যে উপনীত হইলেন। ফরাসীরাজ স্বয়ং তাঁহাদিগের অভ্যর্থনার জন্য সমুদ্রকূলে উপস্থিত ছিলেন। ক্রাঙ্গদেশ-ভ্রমণে আমাঙ্কের রাজ-দাম্পতি বিশূল আনন্দ লাভ করেন এবং তাঁহারা সর্বত্র সাক্ষর ও সমারোহে পরিগৃহীত হইলেন। ক্রাঙ্গরাজ ও তাঁহার প্রকৃতি-বর্ধক বিনয় ও শিষ্টাচারে পরম প্রীতলাভ করিয়া ৭ই সেপ্টেম্বর বেলজিয়ম যাত্রা করেন। তথায় অবস্থিতি-কালে ছবিসময়ো মহারাজ্ঞী ব্রাজেল বেট, ব্রসেলস ও আন্টোয়ার্প নগর সম্বর্শন

করিয়া ২১ শে সেপ্টেম্বর তাঁহারা উইণ্ডসর প্রাসাদে প্রত্যাবৃত্ত হইলেন ।

১৮৪৪ খৃষ্টাব্দের ২৯ শে জানুয়ারীতে প্রিন্স আলবার্টের পিতা কোবর্গ নগরে প্রাণত্যাগ করেন । এই হৃদয়বিয়োগ-বার্তায় প্রিন্স মহাশয় অতিশয় কাতর হইয়াছিলেন । তিনি বড় পিতৃভক্ত ছিলেন, পিতাও তাঁহাকে প্রাণাপেক্ষা প্রিয়তর জ্ঞান করিতেন । পিতৃবিয়োগবিধুর স্বামীর কাতরতাদর্শনে মহারানীও সাতিশয় ব্যাকুলা হইয়াছিলেন । তাঁহাদিগের শোকায়িত্তি কিয়-দিন ক্রমাগত প্রজ্বলিত হইতে থাকে । তাঁহারা নিরন্তর অশ্রুবর্ষণ করিতেন । কুমার বলিতেন, তাঁহার এই ক্ষতি কিছুতেই পূরণ হইবার নহে । শোকসম্ভাপিত অগ্রজ এবং বৃদ্ধা মাতামহী প্রভৃতি আত্মীয়গণকে সান্ত্বনা করিবার জন্য তিনি ২৮ শে মার্চ কোবর্গ যাত্রা করেন এবং কয়েক দিবস তথায় অতিবাহিত করিয়া ১১ ই এপ্রিলে উইণ্ডসরে প্রত্যাবৃত্ত হইলেন ।

এই বৎসরে রাজকল্যাণি স্টটলও গিয়া কয়েক সপ্তাহ অতি-বাহিত করিয়াছিলেন । তাহার পরে তাঁহারা জর্নপিতে গমন করেন । বলা বাহুল্য যে, তাঁহারা জর্নপিতে উপস্থিত হইয়া বিশ্রাম সন্ধানিত হইয়াছিলেন । জর্নপিতে গিয়া প্রিন্স মহাশয় আপনার সহধর্মিণীকে আপনার জন্মভূমি দেখাইবার জন্য লইয়া গিয়াছিলেন । তাঁহারা কোবর্গে পৌঁছিয়া আত্মীয়গণের সাক্ষাৎ-কারলাভে সুখের পরাকাষ্ঠা প্রাপ্ত হইয়াছিলেন । সেখানে তাঁহারা “রোমেনো” প্রাসাদে অবস্থিতি করিতেন । কয়েকদিনমাত্র তথায় বাস করিয়া তাঁহারা ইংলণ্ডে প্রত্যাগমন করেন ।

## সপ্তম পরিচ্ছেদ ।

### স্বথেষ্ট সংসার ।

১৮৪৪ খৃষ্টাব্দের ৬ই আগস্ট উইগসর প্রাসাদে মহারানীর দ্বিতীয় পুত্র “ডিউক অফ এডিনবরা” জন্মগ্রহণ করেন। নামকরণকালে “অল্ফ্রেড আর্নেস্ট আলবার্ট” নাম রাখা হয়।

জন্মনি-ভ্রমণের পর তাঁহার ওয়াইট হীপের উপকূলবর্তী রাজপ্রাসাদের অধিকার লাভ করিয়া বড় আনন্দিত হইলেন। এই স্থানটী প্রাকৃতিক সৌন্দর্যের ভাণ্ডারস্বরূপ। যে একবার ইহার শোভা সন্দর্শন করিয়াছে, সে তাহার জীবনে কখন তাহা ভুলিতে পারিবে না। এই ক্ষুদ্র মহারানী ও তাঁহার স্বামী এই স্থানটীতে থাকিতে বড় ভাল বাসিতেন।

১৮৪৭ খৃষ্টাব্দে ইংলণ্ডের রাজনৈতিক গগনে একটী দিব্য-লাবণ্য-শোভিত জ্যোতির অভ্যুদয় হয়। তাঁহার অসাধারণ বুদ্ধি এবং অত্যাশ্চর্য বাগ্মিতা দর্শনে সকলেই স্তম্ভিত হইলেন। ইনি হিব্রুকুলসম্বৃত বেঞ্জামিন ডিস্মুরেলী। পরিণামে তিনি লর্ড মেলবরনের স্থলাভিষিক্ত হইয়া মহারাজ্ঞী এবং তাঁহার স্বামীর একমাত্র বন্ধুরূপে প্রতিষ্ঠা লাভ করেন।

১৮৪৮ খৃষ্টাব্দে মহারানীর আর একটী কস্তারত্ব লাভ হয়। ইনি ১৮ই মার্চ তারিখে বকিংহাম প্রাসাদে ভূমিষ্ঠ হইলেন।

ইহার নাম “লুইস কেরলাইন আলবার্টা”। একপে ইনি “লোর-  
ণের” মার্কুইস-সীমন্তিনী। এই বৎসর স্কটলণ্ডের পার্শ্বতীয়  
প্রদেশের হৃদয়বিরাজিত একটি রমণীর ভূসম্পত্তি ক্রয় করা  
হয়। প্রিন্স আলবার্ট ও মহারাণী এই ভূধরমালা-পরিশোধিত  
প্রদেশে জীবনের অধিকাংশ কাল অতিবাহিত করিতে ভাল  
বাসিতেন।

১৮৪৯ খৃষ্টাব্দে মহারাণীর জীবনের প্রতি আবার এক  
আক্রমণ হইয়াছিল। এক দিন তিনি আপনার পুত্র-কন্তা-  
গুলিকে লইয়া একটি অনাবৃত শকটে আরোহণ পূর্বক কনটি-  
টিউশন হিলের নিকট দিয়া বাইতেছিলেন, এমন সময় “উই-  
লিয়ম হামিণ্টন” নামক জনৈক উদ্ভিদগ্রস্ত আয়রলণ্ডবাসী  
তাঁহার প্রতি গুলি নিক্ষেপ করে। তিনি কণেকের জন্তও  
ভীত বা বিচণিত হইলেন না, প্রত্যুত বিলক্ষণ স্থধীর ভাবে  
পুত্র-কন্তাদিগের ভয় নিবারণ করিয়া শকটচালনার সাজা  
দিলেন। কৃপাময়ী এডওয়ার্ড তনয়া এই অপরাধীর প্রতি সামান্য  
দণ্ডাজ্ঞা দিয়াই ক্ষান্ত হইলেন। এই সময়ে মিঃ বার্চ নামক  
জনৈক বিশ্ববিদ্যালয়ের উপাধিদারী যুবকের উপর প্রিন্স অফ  
ওয়েল্‌সের বিদ্যাশিক্ষার ভার অর্পণ করা হয়।

মহারাণী আপনার পুত্র-কন্তাগুলিকে উপযুক্ত বিদ্যাশিক্ষা  
দিবার জন্ত সর্বদা সচেষ্ট থাকিতেন, এবং তাঁহাদিগের শিক্ষা-  
সম্বন্ধে স্বয়ং ব্যস্ত লইতেন। তিনি তাঁহার কন্তার শিক্ষয়িত্রীকে  
বলিতেন যে “ঈশ্বরে এবং ধর্ম্মে বাহাতে তাঁহার অচলা ভক্তি  
থাকে এমন শিক্ষা দিবেন। স্বর্গীয় পিতা পৃথিবীস্থ সন্তান-  
সন্ততিগণকে তাঁহার প্রতি প্রীতি ও আত্মসমর্পণে যে উৎসাহ



দিয়া থাকেন, বালিকার মনে সেই প্রীতি ও আশ্রয়ানুভূতি থাকে নিত্য আবশ্যক" ইত্যাদি । এই সময়ে আমাদিগের মহারানী স্কটলওবাসে নাতিশয় অনুরক্ত হইয়াছিলেন, এজন্য তিনি বৎসরের অধিক সময়ই তদেশেই প্রসিদ্ধ 'ব্যালমোরেল' প্রাসাদে অবস্থিতি করিতেন । ব্যালমোরেল অবস্থিতি-কালে মহারানী সামান্যবিবিদের ভ্রায় প্রচুর ভাবে আপনার স্কটলণ্ডীয় কৃষকদিগের বাড়ীতে বাড়ীতে বেড়াইতেন ।

১৮৫০ খৃষ্টাব্দের প্রারম্ভে প্রিন্স মহোদয়ের স্বাস্থ্য বড় ভাল ছিল না । কিন্তু সুবিধাতঃ "পৃথিবী-প্রদর্শনীর" কার্য্য এই সময়েই আরম্ভ হয়, এজন্য তাঁহাকে প্রাণপণে দ্বিবারাত্রি পরিশ্রম করিতে হইয়াছিল । এই বৎসর ১লা মে মহারাজ্যীয় তৃতীয় পুত্র "ডিউক অব কনট" কন্সটান্স পৃথিবীতে অবতীর্ণ হইলেন । ডিউক অফ ওয়েলিংটনের জন্মদিনে তাঁহার জন্ম হইয়াছিল বলিয়া রাজকুমারের নামের প্রথমাংশটি ওয়েলিংটনের নামানুসারে আর্থার, প্রিন্সার রাজকুমারের সম্মানার্থ তাঁহার নামানুসারে দ্বিতীয়াংশটি উইলিয়ম, এবং যখন মহারানী আর-রলও গমন করেন তখন একটী বৃদ্ধা রাজপুত্রদিগকে দেখিয়া আশ্লাদ করিয়া বলিয়াছিল "আপনি উহাদের একটীর নাম প্যাট্রিক রাখুন ।" সেই বৃদ্ধার প্রার্থনাপূরণজন্য তৃতীয় রাজকুমারের নামের শেষাংশটিতে "প্যাট্রিক" সংযোজিত করা হয় । ১৮৫০ খৃষ্টাব্দের ২৭ শে জুন মহারানীর পিতৃব্য "ডিউক অফ কেম্ব্রিজ" পীড়িত হইয়াছিলেন । মহারানী তাঁহার সহিত সাক্ষাৎ করিতে গমন করেন । তথা হইতে প্রত্যাগমনকালে "ব্রবার্ট গেট" নামক জটনক পাপান্নর তাঁহার মস্তকে বেত্রাঘাত

করে। বিচারে এই হৃৎকেন্দ্রের সপ্ত বৎসর দীপান্তরবাসের আদেশ হয়।

১৮৫১ খৃষ্টাব্দের ১লা মে আরব প্রদর্শনী সাধারণের দর্শন জন্য প্রথম উদ্ঘাটিত হয়। এই অসামান্য প্রদর্শনী পাশ্চাত্য জগতের একটি অত্যন্ত গুরু ঘটনা, মহারাজার রাজ্যকালের মহাগৌরবের কার্য এবং একটি অক্ষয়কীর্তি। পৃথিবীর সমস্ত শিল্প ইহাতে সমাজিত হইয়াছিল। এই প্রদর্শনীতে একটি বৃহৎ স্ফটিকগৃহ প্রস্তুত হইয়াছিল। ইহার দৈর্ঘ্য প্রায় অর্ধ মাইল। এই অপূর্ব শিল্প ইউরোপের মধ্যে সর্বপ্রথম। ইহার সর্বোচ্চস্থান দর্শন করিয়া সকলেই আশ্চর্য হইয়াছিল। ১৫ই অক্টোবরে এই প্রদর্শনীর কার্য শেষ হয়। সেই দিন অসংখ্য শিল্পী সুবর্ণ ও রৌপ্যপদক ও প্রশংসাপত্র প্রাপ্ত হইলেন।

ক্রমাগত শারীরিক ও মানসিক ভ্রমজনিত ক্রান্তি প্রযুক্ত প্রিন্স মহারাজের সামান্য বিষ্রাম লওয়ার প্রয়োজন হইয়াছিল। একান্ত তিনি মহারাজার সমভিব্যাহারে ইংলণ্ডের উপকূলবর্তী কয়েকটি স্থান ভ্রমণ করিয়া বেলজিয়মে যাত্রা করেন এবং প্রায় দেড়মাসকাল অতিবাহিত করিয়া ইংলণ্ডে প্রত্যাপন করেন। যখন মহারাজা ব্যালমোরেল প্রাসাদে অবস্থিতি করেন, তখন লীল্ড নামক একজন লক্ষপ্রতিষ্ঠ ব্যারেটের তাঁহাকে আপনার বিপুল সম্পত্তি অর্পণ করিয়া পরলোক গমন করেন। ইহাতেই বুঝা যায়, মহারাজার সম্ভ্রান্ত প্রজ্ঞাপণ তাঁহাকে ভক্তি প্রকাশ করিয়া থাকেন।

১৮৫৩ খৃষ্টাব্দের ৭ই এপ্রিল মহারাজার চতুর্থ পুত্র “ডিউক

অম্ব আলবানী" বকিংহাম প্রাসাদে ভূমিষ্ঠ হইলেন। নামকরণ-কালে তাঁহার নাম জর্জ ডব্লিগ আলবার্ট রাখা হয়। ১৮৫৪ খৃষ্টাব্দের ১০ই ফেব্রুয়ারী মহারানীর বার্ষিক-পরিণয়োৎসব-বাসরে উইগ্‌সর প্রাসাদে এক মনোজ্ঞ নাটকের অভিনয় হইয়াছিল। রাজকুমার ও রাজকুমারীগণ শীত গ্রীষ্ম বসন্তাদি ঋতুর বেণেই নাট্যঙ্গনে উপস্থিত হইয়া অতিশয় সুন্দর অভিনয় করিয়াছিলেন। সমাগত সম্রাট দর্শকগণ দেখিয়া মুগ্ধকণ্ঠে তাঁহাদের প্রশংসা করেন। এই সময়ে মহারানীর পরিবার-মধ্যে সুখ ও শান্তি নিয়ত বিরাজ করিত। স্বামী ও পুত্র-কন্যা-গণকে লইয়া একত্রে তিনি যার পর নাই সুখচ্ছন্দে সময়োতিপাত করিতেন। নিয়মিত সময়ে রাজকাৰ্য্য-নির্বাহ, সকালে বৈকালে ভ্রমণ, বিবিধ-সঙ্গ-পঠ, সংবিষয়ের আলোচনা করিয়াও পুত্র-কন্যাগুলিকে লইয়া নানাপ্রকার আমোদ আনন্দে তাঁহাদের জীপুষ্কষের সময় কোন্ দিক্ দিয়া কেমন করিয়া চলিয়া যাইত। ঈশ্বর আমাদিগের মহারানীকে এই সময়ে যেমন সুখে রাখিয়াছিলেন, সে সুখ জগতে মুহূর্ত্ত।

১৮৫৫ খৃষ্টাব্দের গ্রীষ্মকালে যখন মহারানী আপনাব প্রাসাদে অবস্থিতি করিতেছিলেন, সেই সময়ে তাঁহার পুত্র-কন্যাগণ "লোহিত জরে" আক্রান্ত হইয়া বিলক্ষণ কষ্ট পাইয়াছিলেন। সৌভাগ্যক্রমে পীড়া অধিক দিন স্থায়ী হইতে পার নাই, অতি অল্পদিনেই তাঁহারা স্বাস্থ্য লাভ করেন। ১৮৫৬ খৃষ্টাব্দের নবেম্বর মাসে মহারানীর মহোদয় কুমার লিনিঙ্কেনের পরলোকগমনবার্তা শ্রবণ করিয়া মহারানী যার পর নাই শোকা-কুলা হইলেন। তাঁহাদের বৃদ্ধা মাতা ডচেশ্‌ কেট মহোদয়।

পুস্তশোকে নিতান্ত অধীরা হইয়াছিলেন। তাহার পর বৎসর এপ্রিল মাসের চতুর্দশ দিবসে বকিংহাম প্রাসাদে মহারানী তাঁহার কনিষ্ঠা কন্যা “বিয়েট্রীশ মেরী কিওডোরাকে” প্রসব করেন। এই বৎসর জুলাই মাসে প্রিন্স আলবার্ট<sup>১</sup> বেলজিয়ম-রাজত্বহিতার পরিণয়োসময়ে বেলজিয়ম যাত্রা করেন। উৎসব যাইবার পূর্বে তিনি ভারতে সিপাহীবিদ্রোহের কথা শুনিয়া গান, এজন্ত বিবাহান্তে বধা-সত্বর অস্বরণ প্রাসাদে আসিয়া মহারানীর সহিত মিলিত হইলেন।

প্রিন্স আলবার্ট যে ইংলণ্ডের জন্ত আপনার সকল স্বার্থ পরিত্যাগ করিয়া তাহার মঙ্গলের জন্ত প্রাণপণ করিতেন, প্রকৃতি-পুঞ্জের সুখস্বাস্থ্যের জন্ত নিয়ত বদ্ধপরিকর থাকিতেন, তাহার পুরস্কারস্বরূপ এত দিনে ইংলণ্ডবাসী তাঁহাকে “প্রিন্স কনস্ট” এই সম্মানসূচক উপাধি প্রদান করেন। প্রিন্স মহাশয়কে উপ-গুরু উপাধি দিবার জন্ত এত দিন নানা জনে নানা কথা কহিত, কিন্তু এত দিনে তাহার সত্যফল প্রসূত হইল। এই বৎসরে ভারতের সিপাহীবিদ্রোহ মহারানীর রাজ্যের একটী প্রধান ঘটনা। এই বিদ্রোহ উপলক্ষে অনেক ইংরেজ স্ত্রীপুত্রকর্তাগণ সহ অকালে প্রাণত্যাগ করেন, অনেক ভারতবাসীও হিংসারতির প্রতিশোধস্বরূপ আপনাদের শোণিতে জননী জন্মভূমির পৃষ্ঠ প্রাণিত করে। এই দুর্ঘটনা রাজ্যের পক্ষে প্রভূত অসম্মলজনক, তাহার সন্দেহ নাই; কিন্তু প্রিন্স কনস্টের বিশেষ বহু অমমিন-মধ্যেই ভারতের সর্বত্র শান্তি পুনঃ স্থাপিত হয়। সিপাহীবিদ্রোহ প্রশমিত হইলে ১৮৫৮ খৃষ্টাব্দের ১লা নবেম্বর মহারানী ঈষ্ট ইণ্ডিয়া কোম্পানীর হস্ত হইতে ভারতের শাসনভার স্বহস্তে গ্রহণ করেন।

ইংলণ্ডেশ্বরী ভিক্টোরিয়া যে দিন ভারতের রাজ্যভার গ্রহণ করিয়াছেন সেই দিন হইতেই ভারতে সুখরাজ্য বলিতে হইবে । ঐষ্ট ইণ্ডিয়া কোম্পানীর গবর্নরদিগের অনেকেই ভারতরাজ্য-শাসনে প্রবৃত্ত পরিশ্রম দ্বারা রাজ্যবিস্তৃতি ও প্রজাগণের মঙ্গল-সাধন করিতে পারিয়াছিলেন বটে, কিন্তু মহারাণীর রাজ্যে যেক্রপ সর্বদ্রোণ কুশল ও শান্তি বিরাজ করিতেছে, তাহাদিগের সময়ে সেরূপ হয় নাই । অতীত বলিয়া থাকেন বটে, কোম্পানীর রাজ্যে ভারত কৃষ্ণ ছিল, কিন্তু আমরা সর্ব্বতঃ সে কথা স্বীকার করিতে পারি না । সত্য বটে, মহারাণীর রাজ্য-ঘোষণার পর অনাবৃষ্টিনিবন্ধন পুনঃপুনঃ হুর্ভিক্ষের ভীষণতম মূর্তি ভারতে দৃষ্টিগোচর হইয়াছে, তাহার করালকবলে সহস্র সহস্র ভারতীয় প্রজার বিনাশ সাধিত হইয়াছে, মহামারীরূপ সাক্ষাৎ কৃতান্ত ভারতে অবতীর্ণ হইয়া লক্ষ লক্ষ প্রজা হানি করিয়াছে ; কিন্তু সে সকল অত্যাগাত কালধর্ম্মসম্বৃত, তাহাদের উপর আধিপত্যবিস্তারের বা তাহাদের হস্ত হইতে একবারে অব্যাহতি পাইবার জন্ত মনুষ্যের কোন ক্ষমতা নাই । সে সকল প্রজাবিড়ম্বন দৈবতঃ হইয়া থাকে । শুদ্ধ আমাদিগের দেশে নয়, পৃথিবীর সকল দেশে সকল সময়েই তদ্রূপ বিপৎপাত হইবার কথা শুনিতে পাওয়া যায় । সেজন্য মহারাণীর রাজ্যের দোষ দিলে তাহাতে অধর্ম্ম আছে । যে সময়ে আর্থ্য রাজগণ ভারতের রাজত্ব পরিচালন করিতেন, সে সময়েও প্রজাদিগের মধ্যে অস্বকষ্ট এবং মহামারীর কথা পুরাণাদিগ্রন্থে দেখিতে পাওয়া যায় ।

মহারাণী আমাদেব ভারত রাজ্যেশ্বরী হইবার অব্যবহিত

পরেই ভারতীয় অভিনব দৃশ্যবিধি প্রণীত হয়, এবং প্রজাদিগের ধন-মান-প্রাণ-রক্ষার জন্য নূতন পুলিশের স্টিট হয়। তাহার অল্প শ্রুত অর্থব্যয় স্বীকার করা হইতেছে। ডাকবিভাগের অনেকগুলি সুব্যবস্থা সংস্থাপিত হয়, কারানিয়ন্ত্রণের সংস্কার হয়, নগর ও উপনগর সমূহে মিউনিসিপালিটীর পত্তন হয়, সাধারণ প্রজার বিদ্যাশিক্ষার উন্নতির আয়োজন হয়, দেশমধ্যে রেলওয়ে-বিস্তৃতি হয়, চোর ডাকাইতের ভয় ক্রমে ক্রমে হ্রাস হইয়া আইসে। এইরূপে নানাপ্রকারে প্রজার সুবিধা ঘটানো হইয়াছে। স্বীকার করি, পূর্বাশ্রয় ভারতীয় প্রজার ধনহীনতা জন্মিয়াছে, কিন্তু সেজন্য মহারানীর রাজ্যশাসনের দোষ দেওয়া যায় না। সে আমাদিগের নিয়তির দোষ। দীর্ঘকালব্যাপী মহামারীতে প্রজাসংখ্যা-হ্রাস, কৃষিকার্যের অবনতি, প্রকৃতিপুঞ্জের শারীরিক দৌর্বল্যানিবন্ধন পূর্বাশ্রয় ভ্রমবিমুখতা, মারাত্মকের সময়ে কতিপয় বৎসর উপযুক্তরূপে ভূমিকর্ষনাভাবে ভূমির উর্বরতা-শক্তির হ্রাস, সাধারণ-প্রজামধ্যে বিলাসপ্রিয়তা দিয়া এই অনিষ্টের কারণ। যাহা হউক, ভাল করিয়া বিবেচনা করিলে মহারানীর রাজ্য সুখের বই দুঃখের নয়। মুসলমান রাজ্য-বিগেন সময়ে এরূপ দুর্ভিক্ষ ও মারাত্মক উপস্থিতি হইলে ভারতের দুর্দশা যে কতদূর শোচনীয় হইত তাহা বুদ্ধি ও কল্পনাতেও আইসে না। সে সময়ে সহজেই অরাজকতা, তাহার উপর দৈবনিগ্রহে সোণার ভারত অরণ্যময় হইত। ভারতের এতোক নগর, এতোক পল্লী প্রাচীন পৌড়ের দশা লাভ করিত। মহারানীর শাসনে দুর্ভিক্ষ ও মহামারীর বধেই প্রতিকার পাইয়া আমরা জীবনরক্ষা করিতে সমর্থ হইরাছি। তাহা না হইলে,

ভারতীয় আর্থের পরিচয় দিতে জনপ্রাণীও ভারতে থাকিত কিনা সন্দেহ।

## অষ্টম পরিচ্ছেদ।

দৈবব্য।

প্রিন্স মহাশয়ের শারীরিক স্বাস্থ্য আজি কালি খুব ভাল ছিল না। তাঁহার শরীর কখন ভাল কখন মন্দ এইরূপে থাকিত। ১৮৬০ খৃষ্টাব্দের শরৎ ঋতুতে মহারাণী তাঁহার স্বামী ও কুমারী এলিনাকে লইয়া জর্মনি যাত্রা করেন। জর্মনিতে গিয়া মহারাণী তাঁহার অভিনব দৌহিত্রের বদন-চন্দ্রমা দর্শন করিয়া আনন্দের পরাকাষ্ঠা লাভ করিয়াছিলেন। এই সময়ে কোবর্গ নগরে প্রিন্স আলবার্টের এক দৈবদৃষ্টিনা সংঘটিত হইয়াছিল; এমন কি তাহাতেই তাঁহার জীবন নষ্ট হইবার সম্ভাবনা ছিল। তিনি একদিন একাকী শকটারোহণে মাতৃভূমিতে বিচরণ করিতেছিলেন, এমন সময়ে অস্বপ্ন হঠাৎ ভয় পাইয়া দ্রুত দৌড়িতে দৌড়িতে রেলওয়ে শকটে প্রহত হইবার উপক্রম হইলে প্রিন্স লক্ষপ্রদানপূর্বক ততলে পতিত হইলেন। তাহাতে তাঁহাকে গুরুতর আঘাত লাগিয়াছিল; কিন্তু সৌভাগ্যক্রমে তাঁহার জীবনে কোন বিঘ্ন ঘটে নাই। এই যাত্রায় “হেন্সিরাড-কুমার লুইশের” সহিত কুমারী এলিশের প্রণয়সংকার হয়। তদুপলক্ষে তাঁহারা ইংলণ্ডে প্রত্যাপন করেন। এই সময়ে মহারাণীর জননী ডচেশ্ কেট মহোদয়ার স্বাস্থ্য ভঙ্গ হয়। এ যাত্রা

তাহার জীবনরক্ষা সুকঠিন বোধ হইল। এই সংবাদ প্রাপ্তি-  
মাত্র মহারাণী ও প্রিন্স উভয়ে “ক্লমোর” বাত্মা করিলেন।  
তথায় পৌঁছিয়া তাহারা তাহাকে যেরূপ দেখিলেন তাহা  
নিতান্ত নৈরাশ্রজনক। ডাচেশ্ব মহোদয় কস্তার অসামান্য-  
প্রবণে চক্ষুরুন্মীলিত করিলেন, কিন্তু তাহার বাক্যকৃতি হইল  
না। তিনি তাহার যে কনিষ্ঠা দৌহিত্রীটিকে দেখিয়া সর্বদাই  
মধুর হাস্য করিতেন, তাহাকে চিনিতে পারিলেন না। ১৬ই  
মার্চ তাহার প্রাণ-পক্ষী পাকভৌতিক পিঙ্গর ভগ্ন করিয়া কস্তা  
জায়াত দৌহিত্রাদি পূর্ণ পরিবারবর্গকে শোক-সন্তপ্ত করত  
ইহলোক হইতে প্রস্থান করিল।

আজি মহারাণীর বিষম শোক ও দারুণ দুঃখের দিন। যে  
জননী বাল্যাবদি তাহার একমাত্র অবলম্বন, যাহার গুণে তিনি  
চুর্নহ-রাজ্যভার-বহনে সমর্থ হইয়াছিলেন, তাহার মনের  
মহত্ব, প্রচুর প্রশমীলতা ও কর্তব্য-কর্ম-পরায়ণতা দি  
সমুদায়ের যিনি একমাত্র জনয়িত্রী সেই মাতরয়ে আজি তিনি  
বঞ্চিত হইলেন। সমস্ত সংসার তাহার চক্ষে অন্ধকারবৎ  
বোধ হইতে লাগিল। মাতৃবিয়োগবিধুরা মহারাণী কিরদ্দি-  
নের জন্ত প্রিন্স কনসর্টের উপর রান্নকার্যনির্ক্সাহের ভারার্ণ  
করিলেন। মাতৃশোকে তাহার মন যে নিতান্তই অধীর হইয়া-  
ছিল একথা বলা বাহুল্য। আগষ্ট মাসে তিনি আপনার খাম্বী  
ও পুত্র-কস্তা কয়েকটিকে লইয়া আয়রলণ্ডে বাত্মা করেন এবং  
দেশভ্রমণান্তে ব্যানমোরেল প্রাসাদে প্রত্যাগতা করেন। দুই  
মাস কাল তথায় অবস্থিতি করিয়া তাহারা অক্টোবর মাসের  
দ্বাবিংশ দিবসে টুইণ্ডসরে আগমন করেন। এই স্থানে



ধাক্কিলাই তিনি পট্টগালের রাজার মৃত্যুসংবাদে অতিশয় মনঃ-  
পীড়া বোধ করেন। পট্টগালরাজ অতি অল্পবয়স্ক যুবা এবং  
প্রিন্সের পরম প্রিয়পাত্র ছিলেন।

তাহার মৃত্যুসংবাদে প্রিন্স মহাশয়ের মনে এক ভীতিজনক  
ভাবের আবির্ভাব হয়। সেই চিন্তা তাহার মনে নিরন্তর জাগ-  
রক থাকায় তৎপূর্বে তাহার উদরের পীড়া জন্মে। শান্তি-  
লায়নী নিজা উপযুক্ত পরিপক্ক দিবস তাহার নয়নযুগল নিমী-  
লিত করে নাই। তাহাতেই তাহার পীড়া সাংঘাতিক হইয়া  
উঠিল। এই অবস্থাতেও তিনি মৃত্যুর জঙ্ক হিতব্রত-প্রতি-  
পালনে পরাঙ্মুখ ছিলেন না, এবং আপনার ভাবী মৃত্যু নিকট  
জানিয়া জীবনের প্রতি ভতর্ভা মমতা করিতেন না। পীড়ার  
কিছু দিন পূর্বে তিনি মহারাজকে বলিয়াছিলেন “আমি আপনি  
জীবনের মায়ার বন্ধ নহি, কারণ তাহাতে কোন ফলই দেখি  
না। যদি আমি জানিতে পারি যে, বাহাদুরকে ভাল বাসি  
তাহারা স্বচ্ছন্দে আছে তাহা হইলে অদ্যই মরিতে পারি।”  
মৃত্যু যে একটা ভয়ঙ্কর ব্যাপার তাহা তাহার ধারণাই ছিল না।  
তিনি বলিতেন “মৃত্যু পরলোকের যবনিকাস্বরূপ।” ২৮শে  
নবেম্বর তাহার পীড়া বৃদ্ধি হয়। সেই দিন ট্রেন্টনামক একখানি  
বাস্পীয় শোভ “হাভেনা” হইতে ইংলণ্ডে প্রত্যাগমন করিলে  
সর্বত্র প্রচার হয় যে পথিমধ্যে “কামিন্টো” নামক একখানি  
রণতরীর অধ্যক্ষ অকারণ পূর্বে উক্ত বাস্পীয় তরীর উপর গোলা  
বর্ষণ করেন ও কয়েক জন আরোহীকে বলপূর্বক বন্দী করিয়া  
লইয়া যান। এই সংবাদে সমস্ত ব্রিটনডুনি কম্পিত হইয়া  
উঠে, সমস্ত ইংরাজজাতি আপনাদিগকে অপরাধিনিত বোধ করেন,

মন্ত্রিসমাজ এতদূর ক্রুদ্ধ হইল যে অবিলম্বেই সমরঘোষণার উদ্যোগ করিয়া আট-হাজার সৈন্য “ক্যানডায়” প্রেরণ করেন । তদ্বিবরক সমস্ত কাগজপত্র মহারাণীর নিকট উপস্থিত হইলে প্রিন্স কনসর্ট অশ্রুহ্রদেহে আমেরিকান গবর্ণমেন্টকে যে মন্তব্য লিখিয়া দেন, তৎপ্রাপ্তিমাত্র তাঁহারা সন্মত প্রার্থনা করিয়া ব্রিটিশ গবর্ণমেন্টের সমস্ত ক্ষতি পূরণ করিতে স্বীকৃত হইলেন । ইহাতেই প্রিন্স কনসর্টের রাজনীতিজ্ঞতার লগাঢ় পরিচয় প্রাপ্ত হওয়া যায় ।

দিনে দিনে তাঁহার পীড়া বৃদ্ধি পাইতে লাগিল ; অরুণ কাশাদি ক্ষয়রোগে তাঁহার দেহ জীর্ণ জীর্ণ হইয়া উঠিল । ক্রমাগত পঞ্চদশদিবস অনবরত অসহ-যন্ত্রণা-ভোগে তদীয় জীবনাশা অতিশয় দুর্বল হইয়া আসিল । এই দুঃখময় সময়ের মধ্যেও মহারাণীর প্রতি তাঁহার স্নেহ বড়ই চিত্তস্পর্শী বলিয়া বোধ হইয়াছিল । রোগজনিত অর্জুন্নিমিত্ত চৈতন্ত্যেও প্রলাপবাক্য-মধ্যে তাঁহার সহধর্মিণীর প্রতি ভালবাসার কথা শুনিতে পাওয়া গিয়াছিল । ১৮৬১ খৃষ্টাব্দের ১৪ই ডিসেম্বর রাজনীযোগে সর্বজনপ্রিয়, সদাশ্রী, আমাদিগের মহারাণীর সুনির্মল স্বপ্নরাক্ষসের সুধরবি প্রিন্স কনসর্ট মহাশয় অন্ত্যচল-চূড়াবলম্বী হইলেন । ইংলণ্ডের রাজপ্রাসাদ বিয়াডমর, রাজপরিবার বিষয় ও শোকাহুল, সকলেরই মুখমণ্ডল দুঃখকরাবমর্ষিত । ব্রিটেন-ভূমি হাহাকাররবে পূর্ণ, প্রকৃতিকুল গভীর-শোক-জলবি-বিনিক্ষিপ্ত ; তাঁহাদের একমাত্র হিতেজ্ঞ, সুখ-দুঃখের একমাত্র আশ্রয় প্রিন্স কনসর্ট আজি এই কর্তৃত্বমিতে আর নাই । তাঁহার গভীর প্রশান্ত মূর্তি আর কেহ দেখিতে পাইবেন না,

শ্রেয়সময় মধুর সম্ভাষণ আর কেহ শুনিতে পাইবেন না, সাধারণের হিতের জন্য আর তাঁহাকে ব্যতিব্যস্ত হইতে হইবে না, অনাথ দীন-দরিদ্রগণ আর তাঁহার নিকটে যাইতে চাহিবে না, ইহলোকে ধুঃখ দুঃখ, হাসি কান্না সকলই দূরাইল ।

২৩শে ডিসেম্বর ইংলণ্ডের সম্রাট ব্যক্তিগণ কর্তৃক তাঁহার শব উইণ্ডসর প্রাসাদ হইতে স্টেটজর্জ ধর্ম্মালয়ের সমাধিক্ষেত্রে রক্ষিত হয় । অনন্তর ১৮৬২ খৃষ্টাব্দের ১৮ই ডিসেম্বর "কুগ-মোর উদ্যানে সমাধিমন্দির নির্মিত হইলেই তথায় নীত হইয়া ১৮৬৮ খৃষ্টাব্দের ২৬শে নবেম্বর প্রাতে ৭ টার সময় রমণীয়-মার্শাল-প্রস্তর-নির্মিত-শয্যাদারমধ্যে সমাহিত হয় ।

## নবম পরিচ্ছেদ ।

### ভারতমাত্রাজী ।

এই দ্বারক হৃদটনার পর মহারানী যে রজনীতে প্রথম নিজা ঘান, সেই রাত্রির অবসানে নিষ্ঠুর প্রভাত কিরণ যখন তাঁহার বৈধব্যস্মৃতিকে জাগ্রত করে, তখন তিনি বলিয়াছিলেন যে,— “এখন আমাকে “ভিক্টোরিয়া” বলিয়া ডাকিবার আর কেহ আমার নিকটে নাই ।” তাহার পর তিনি শোকাবেগসংবরণ ও তাহার স্মৃতি এককালে চিত্তক্ষেত্র হইতে মুছিয়া ফেলিবার জন্য অধিকতর যত্নের সহিত রাজকাৰ্য্যে অভিনিবিষ্টা হইলেন । মাতৃবিয়োগের পর অপেক্ষা তাঁহাকে অধিক সংযত দেখিয়া

তাঁহার কোন আত্মীয় বন্ধু সম্বোধন প্রকাশ করার তিনি বলিয়াছিলেন,—“ঈশ্বর আমাকে যখন যে অবস্থায় রাখিবেন, তখন সেই অবস্থাই সহ্য করিতে হইবে।”

১৮৬৪ খৃষ্টাব্দের প্রারম্ভেই ৮ই জানুয়ারী দিবসে মহারাজ্ঞী পৌরুষমুখ-দর্শনে এক নূতন সুখ লাভ করিয়াছিলেন। এ দিন আমাদের যুবরাজ প্রিন্স অফ ওয়েলসের জ্যেষ্ঠ পুত্র ভূমিষ্ঠ হইলেন। স্থানিবিরোধের পর ১৮৬৬ খৃষ্টাব্দে মহারাজ্ঞী মহাসভা পার্লামেন্টে প্রথম দর্শন দেন। জীবনের মধুর বসন্তে তিনি প্রিন্স আলবার্টের পরিণীতা হইয়া ভদ্রবধি স্বামীকে আপন পার্শ্বে লইয়া যে রাজ-সিংহাসনে উপবিষ্টা হইতেন, আজি সেই আসন শূন্য! তাঁহার হৃদয়াসনও শূন্য! এ বিষয় চিন্তা করিতেও প্রাণ তাকাইয়া যায়। মহারাজ্ঞীর বৈদ্যব্যদশ্য-প্রাপ্তির পর বিংশতি বর্ষের সহচরী লেডী রুমকিও তাঁহার সহিত সাক্ষাৎ করিতে গিয়া দেখিয়াছিলেন, মহারাজ্ঞীর ভয়ানক শারীরিক পরিবর্তন ঘটয়াছে। তিনি হৃদয়ে দারুণ আহত, কিন্তু সর্বদাই হাসিতাননা; এমন কি, তাঁহার গওস্থলে যখন অক্ষপাত হইতেছিল, তখনও তিনি হাসিতে চেষ্টা করিতেছিলেন। মহারাজ্ঞীর এই অবস্থার একখানি চিত্রপট প্রস্তুত হয়। চিত্রপটের অঙ্গ-প্রত্যঙ্গ সমস্তই পূর্ণবৎ ছিল; কিন্তু মুখখানি দেখিলেই বোধ হয় যেন বিষাদমাখান। প্রিন্স কনসর্ট মহাশয়ের পরলোক-প্রাপ্তির পর তাঁহার পার্শ্ব বিষন্ন-নিভব, আহার-বিহার, বিলাস কিছুতেই মনের শান্তি খুঁজিয়া পান না।

১৮৬৫ খৃষ্টাব্দের ১০ই ডিসেম্বর মহারাজ্ঞীর পদুম হিষ্টেরীয়ায় বেলজিয়াম্রাধিপতি রাজা লিওপোল্ড ইহলোক হইতে

প্রদান করেন। উপর্যুপরি তিনটি শোক মহারাণীর হৃদয়ে আঘাত প্রদান করিয়াছিল। এক্ষণে তাঁহার পরম হিতৈষী আত্মীয়গণের মধ্যে প্রায় সকলেই একে একে অন্তর্হিত হইলেন। এই সময়ে আমাদের মহারাণী কিয়দিনের জন্য ইউরোপের নানাস্থানে ভ্রমণ করেন।

১৮৭৫ খৃষ্টাব্দে তাঁহার জ্যেষ্ঠ পুত্র যুবরাজ প্রিন্স অফ ওয়েল্‌স ভারত-ভ্রমণে আগমন করেন। তাঁহার শুভাগমনে সমস্ত ভারতবাসী একত্র মিলিত একজীব একপ্রাণ হইয়া অভ্যর্থনার জন্য মহা আড়ম্বরে আমাদের রাজভতির পরিচয় দিয়াছিলেন। গ্রামে গ্রামে, নগরে নগরে সভা সংস্থাপিত করিয়া প্রিন্স মহাশয়কে রাশি রাশি অভিনন্দন পত্র প্রদান করেন। আনন্দোৎসবের অনুষ্ঠানে আবাল বৃদ্ধ বুবা মত্ত হইয়া উঠে। কলিকাতা, মাদ্রাজ, বম্বে, এলাহাবাদ তিনি যেখানে যখন গিয়াছিলেন, সেই খানেই লক্ষ লক্ষ লোক তাঁহাকে দেখিবার এবং হৃদয়ের প্রীতি-ভক্তি প্রদর্শন করিবার জন্য দেশীয় রাজা, জমিদার, ধনী, দরিদ্র সকলেই সমান আগ্রহ সহকারে আহাৰ-নিদ্রা পরিহার করিয়াছিলেন। মহানগরী নিশাকালে জনগণ আলোকমালায় সুসজ্জীভূত হইয়া নগরদ্বয় গগনের ত্যায় প্রতীয়মান হইয়াছিল। সে বড় অধিক দিনের কথা নয়; পাঠক-বর্গের চিত্তপট হইতে বোধ হয় সে সকল চিত্র এখনও অপহৃত হয় নাই।

১৮৭৭ খৃষ্টাব্দের ১লা জানুয়ারী হিন্দুরাজগণের প্রাচীন রাজধানী দ্বীপি নগরে বাঙ্গালা, বিহার, উড়িষ্যা, বোম্বাই, মাদ্রাজ, কাশ্মীর, রাজপুতানা, পঞ্জাব প্রভৃতি প্রদেশের রাজা, মহারাজ,

সর্দার এবং দেশীয় উচ্চপদস্থ সম্ভ্রান্ত ব্যক্তিগণ নিমন্ত্রিত হইয়া বহুকালের পর এক অভ্যাশ্রম সম্বন্ধস্থত্রে সম্মিলিত হইলেন । যে চন্দ্র-স্বর্ধ্য-বংশের নামে ত্রিভুবন কম্পিত, দিকপাল-গণ শঙ্কিত হইত, তাঁহাদের বংশধরগণ, পবিত্র-পঞ্চনদ-করগ্রাহী সর্দারগণ, হাইদরাবাদের নিজাম, হোলকার, সিন্ধিয়া, ওই-কুমার প্রভৃতি মহামহোপাধ্যায়গণ সুভাষলে সমবেত হইলেন । আমাদিগের মহারাজ্ঞীর প্রতিনিধি গবর্ণর জেনেরল লর্ড লিটন বাহাদুর যে দিন ভারতেশ্বরী ভিক্টোরিয়ার ভারতে একেশ্বরীত্ব ঘোষণা করেন, মহারাজ্ঞী সেই দিন হইতে ভারত সম্রাজ্যের সম্রাজ্ঞী হইয়াছেন ।

১৮৭৮ খৃষ্টাব্দে ঐহার পক্ষে অতিশয় দুর্ভাগ্যের । এবং মর তিনি একটা নিবাতপন শোক প্রাপ্ত হইলেন । সংসারে যত প্রকার শোক আছে তন্মধ্যে অপত্যশোকের মত শোক আর নাই । মহারাজ্ঞীর দ্বিতীয়া কন্যা “এলিশ” অকালে কালকবলিতা হইলেন । কন্যা-শোক নতুবা মহারাজ্ঞী অচিরে শারীরিক অসুস্থতা অনুভব করেন । জীবনের জীবন নিরবচ্ছিন্ন সুখের বা নিরবচ্ছিন্ন দুঃখের নহে । শরীরের উপর সংসারের সুখ-দুঃখ চক্রান্তের ক্রয় ঘুরি গছে । ১৮৮৩ খৃষ্টাব্দে মহারাজ্ঞী আর একটা জন্মের হারাইলেন । ইনি ঐহার চতুর্থ পুত্র “ডিউক অফ আলবানি” । এই দুর্ভাগ্যের কথা পৃথিবীমধ্যে ঐহার প্রতি স্পর্শ করিয়াছিল, তিনিই অশ্রু বিসর্জন করিয়াছিলেন । আমরা তাঁহার ভক্তিমান প্রজা, আমাদের সহিত তাঁহার ঘনিষ্ঠ সম্বন্ধ, আমরা তাঁহার সুখে সুখী ও দুঃখে দুঃখী ; তিনি আমাদিগের পল্লয়িত্রী, রক্ষয়িত্রী ও কল্যাণকাজী বণিয়া নহে ; এই বিত্তীর্ণ ভূমণ

লের যে কেহ তাঁহার বিষয় অবগত আছেন, যিনি তাঁহার মঙ্গলের পরিচয় পাইয়াছেন, তিনিই তাঁহার পক্ষপাতী হইয়াছেন ।

## দশম পরিচ্ছেদ ।

### জুৰিলী ।

১৮৮৫ খৃষ্টাব্দের জুলাই মাসে মহারানীর কনিষ্ঠা কন্যা বিরেট্রিশের শুভ-পরিণয়ক্রিয়া সমাপ্ত হয় । এই বিবাহ উপলক্ষে যথাবিধিত সন্মারোহ হইয়াছিল । তাহার পর বৎসর অর্থাৎ ১৮৮৬ খৃষ্টাব্দের ১লা জানুয়ারী লন্ডনদেশ-বিহার মহারানীর একটি প্রদান ঘটে না । অবোধ ব্রহ্মবাসিনী ইংরেজ-ভূজবলের প্রভূত পরিচয় অবগত নহে, তাহি আজিও মহারানীর দ্বারা দয়া-বত্তী রাজ্যের আশ্রয়-গ্রহণে অব্যাহতা প্রকাশ করিতেছে । মহারানী প্রজাগণকে আপন অপত্যবৎ জ্ঞান করিয়া থাকেন, সেই জন্যই ব্রহ্মবাসিনীর অব্যাহতার প্রতিশোধ দিবার জন্য অন্য-বধি কোন কঠোর আজ্ঞা প্রচার করেন নাই ; যাহাতে প্রজাহানি ব্যতীত ব্রহ্মে শান্তি স্থাপিত হয়, তাহারই জন্য শাসনকর্তাকে উপদেশ দিতেছেন । বর্তমান রাজপ্রতিনিধি লড ডফ্রিনও আন্তরিক ভ্রূপ চেষ্টাই করিতেছেন ।

আজি ১৮৮৭ খৃষ্টাব্দ । আগামী ২০ শে জুন দিবসে মহারানীর ব্রহ্মভ্রূকাল পক্ষাশ বৎসরে পূর্ণ হইবে । আমরা সর্বাঙ্গ-করণে বিশ্বনিরস্তা পরমেশ্বরের নিকট প্রার্থনা করিতেছি, তিনি

আমাদিগের ভারতেশ্বরীর জীবন দীর্ঘ হইতেও দীর্ঘতর এবং তাঁহার প্রাসাদকে চিরস্বথ ও চিরশান্তির আশ্রয়ভূত করেন । ভাই ভারতবাসী দলী, দরিদ্র, বালক, বৃদ্ধ, দুবা আইস, সকলে মিলিয়া আজি আমরা মহারাণীর পঞ্চাশ বৎসর রাজ্যকাল পূর্ণ হওয়ায় ঈশ্বরের নিকট মহারাণীর এবং তাঁহার প্রিয়পুত্র, আমাদের ভাবী রাজা প্রিন্স অফ ওয়েল্‌স ও রাজপরিবারস্থ সকলের মঙ্গলকামনায় প্রার্থনা করি । আইস ভাই শাক্ত, বৈষ্ণব, সৌর গণপত্যাदि হিন্দুসম্প্রদায়, আইস ভাই ব্রাহ্ম ধষ্টান, হিন্দু মুসলমান, নৌক শীক একত্র হইয়া মহারাণীর কল্যাণ কামনা করি । আইস ভাই, সকলে আমরা সাম্প্রদায়িক ভাব বিস্মৃত হই । ভাই আমরা ভারতবাসী মাতৃহীন । ১০০ ধষ্টাক হইতে আমরা ভারতমাতার মৃতদেহ বক্ষে ধরিয়া সার্কি ছয়শত বৎসর কাঁদিতেছি । এখন যিনি আমাদিগকে মাতৃহীন, দুর্দশাগ্নয় অপোগণ ও নিরাশ্রয় সম্বানবোধে আপন অঙ্কে আশ্রয় দিয়া লালনপালন করিতেছেন, তাঁহার তত্ত্ব আমরা উর্দ্ধবাহ হইয়া কাণমনোবাক্যে সেই সকল-লোকপালক, সেই বিশ্বপ্রষ্টা ভগবানকে প্রার্থনা করি । আমরা ভায়ে-ভায় আর্থ্যসম্বান ; আমাদের পূর্দপুরুষগণ সহস্র সহস্র বৎসর তপস্বী করিয়া ঈশ্বরের প্রত্যক্ষতা-লাভ ও অভীষিত-কাণ্যসাধনে কৃতার্থ-লাভ করিয়াছিলেন বলিয়া জ্ঞানিতে পাই । আমরা সিদ্ধবংশ । সম্পূর্ণ ক্রিয়াকাণ্ড-বিহীন হইলেও সিদ্ধবংশের ওণে আমরা অসাধ্যসাধন করিতে পারিব । আইস ভাই সকলে প্রার্থনা করি, ভগবান্ আমাদের মহারাণীকে হৃদীর্ঘ-জীবন-দান ও তাঁহার রাজনিকেতনকে চিরশান্তির আশ্রয়ভূমি করুন ।



ভাই, আমাদের মহারানীর দয়াগুণের সীমা নাই। তাঁহার জ্ঞায় প্রজাহিতকাজিকরী রাজললনা পৃথিবীর মধ্যে কোথাও পাও নাই, পাইবেও না। তাঁহার গুণের কথা কত বলিব, অনন্ত-কাল বলিগেও শেষ হয় না। এক দিন তিনি শুনিলেন, একটী অসহায়্য কার্মিনী ইহ সংসার ছাড়িয়া বাইতেছেন, এমন কেহ নাই যে তাঁহার লোকান্তরগামী আত্মাকে দুইটা ধর্ম্মের কথা শুনাইয়া ইহ লোকের পাপ-তাপের প্রায়শ্চিত্ত করিয়া দেয়। মহারানী স্বয়ং সেই দুই ধর্ম্ম রমণীর নিকটস্থ হইয়া বাইবেল পাঠ করিয়া তাঁহাকে শুনান।

কোন সময়ে তিনি গাড়ী করিয়া যাইতে বাইতে দেখিতে পান, এক জন ভারবাহী ভার-বহনে শ্রান্ত হইয়া সঘন খাসক্ষেপ করিতেছে। দেখিয়া তাঁহার দয়া হয়। তৎক্ষণাৎ তিনি গাড়ী থামাইয়া ভারবাহীকে আপন গাড়ীতে লইয়া তাহার অভিপ্রেত স্থানে পৌছাইয়া দেন।

এক বার তিনি স্বামীর সহিত বেড়াইতে বাহির হইয়া অস-বরণের এক জন ডাক-হরকরার নিকট হইতে কিয়ৎ কালের জন্য একটী ছাতা লয়েন এবং ছাতা কেরত আনিবার জন্য তাহাকে প্রাসাদে বাইতে বলেন। হরকরা ছাতা লইতে আসিলে তিনি তাহাকে ৫০ টী টাকা পুরস্কার দেন।

আর এক বার তিনি একটী দাতব্য-চিকিৎসালয়ে উপস্থিত হইয়া দুইটী বালককে অস্বস্থরোগিত ভুতলে পতিত দেখেন। দেখিবামাত্র হাঁসপাতালের চাকরদিগকে কিছু না বলিয়া তিনি স্বয়ং বালক দুইটীকে তুলিয়া তাহাদ্বয়ের পাত্রের ময়লা পরি-ষ্কার করিয়া দেন এবং তাহাদের সেবা-শুশ্রূষা করেন।

বড় অধিক দিনের কথা নয়, গত বৎসর লওনের শিল্প-প্রদর্শনীতে আমাদের দেশের যে সকল শিল্পী আপনাদের শিল্প-জ্ঞাত লইয়া তথায় গমন করেন, মহারাণী তাঁহাদিগকে আপন প্রাসাদে নিমন্ত্রণ করিয়া কেমন মহত্বের পরিচয় দিয়াছেন। তাঁহাদের একজন পশ্চিমধ্যে কালগ্রাসে পতিত হইবার সংবাদ পাইয়া তিনি কত দুঃখ করিয়াছেন ও তাঁহার পরিবারবর্গকে সান্ত্বনা দিয়া কেমন অনুগ্রহপূর্ণ পত্র লিখিয়াছেন।

ভাই সকল, আমরা এখন দয়াবতী মহারাণীর রাজ্যে কত সুখে আছি ! তোমরা ভারতবাসী, চিরকাল রাজভক্তি ও কৃতজ্ঞতার জন্ত পৃথিবীতে বিখ্যাত। আইস, ভাই, আমরা আজি পূর্ণানন্দে মত্ত হইয়া আপনাদের কৰ্ত্তব্যকার্য্যে অগ্রসর হই ! আইস, আমরা জুবিলীর দিন আপনাপন পণ-কুটির হইতে রাজপ্রাসাদ সকল পল্লব, পত্র, পুষ্প ও আলোকমালায় বিভূষিত করি। আইস, আমরা গ্রামে গ্রামে, নগরে নগরে, বাড়ীতে বাড়ীতে, পথে, ঘাটে, মাঠে মহারাণীর মঙ্গলের জন্ত ঈশ্বরের নিকট সঙ্গীর্ভন করি। এই মহান উৎসবে ভাই ভারতবাসি ! তে মরা কেহই নীরব থাকিও না। সকলেই সে দিন আকাশ বিনীর্ণ করিয়া আনন্দের রোল তুলিয়া হিমাদ্রি হইতে কুমারিকা পর্য্যন্ত

“ঈশ্বর মহারাণীকে রক্ষা কর।”

এই শব্দে প্রতিধ্বনিত কর।







